


鈔名二齋山人集





温州市图书馆

WENZHOU





温州市图书馆

WENZHOU LIBRARY

温州市图书馆

WENZHOU LIBRARY

二雁山人詩集

溯初屬題
己未四月
姚華

卷之八

温州市图书馆
WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY

用男鈔

二低

裕卿作詩人

參知王君王陽德
叔景也

第一下本有入

一本作古友最甚

痛君持承君子

千載

載下與者字

詩人也下本作相與

勳力君不朽之其字

有遺憾乎妙吾知

君三月固眼淚照矣

二雁山人集序

二雁山人集者裕卿康君之所著也蓋雁蕩山者吾溫名山也西南

復有一雁宕競難立而君乃生其間庸詎偶然哉余早歲則識君

余弟舜昭所雖知其長者未知其詩也已君壯遊盡友當世豪傑則

詩名大起而同里叅知王君者尤知君君詩所稱拳火家貧恃晏君

者是也君之遊雖多公卿隆平而其貧乃如故不墮其守也所傾

蓋輒膠漆賓館有魚而常越吟思歸不忘故也已而竟歸栖永嘉山

水間而其詩益精每一篇出詩人爭傳之咸品君第一方為君多之

而君乃以疾卒年五十八矣士友憲無不欲永君于千載者會有吳

中曾君者詩人巨擘也正來求君後之僅數日乃哀哭君而遂刪定

其詩為若卷總若干首而君之外元少尹王君者亦詩人也願時

莫辭者即身任之可不謂高誼哉吾知君之目固瞑矣序曰君之詩

飲食作食飲

孟秋江省左使同
二子

高者乃優入盛唐閫域下者亦賈出流輩是其傳無疑也乃余因君
 詩而上承古今詩人之際大率其自為言也常合其為人言也常
 難三百篇漢魏皆自為言者也六朝侈靡則為人之歌艷之也唐以
 取士士無不為詩而詩亦多為律者則以人之富貴之也蓋兩者參
 半為而工拙始分矣君生於休明其取士以經而不以詩而君乃癖
 詩無祿利之望以詩贖人人輻輳歸之無不願為君後者而君乃不
 以牟利竟以窮終其身故君之于詩也猶飢渴之于飲食也快意當
 前其孰不為之而工亦安取人憐哉然則詩之本君得之矣則宜其
 絕眾流而躋于岸也夫所謂永君子千載者非名耶名儒者不近也
 雖二氏之學亦換名歛頤君子之所以能相激天壤者獨心為耳故
 讀君之詩則知君固窮之心與諸君子斷金如蘭之心是為序 昔
 萬曆辛巳孟秋江省左使同 卷山人侯一元撰

二雁山人詩集目錄

卷首

卷首 陳文燭序二首

侯一序

王叔保傳一首

上卷

五言古詩十首

七言古詩十五首

五言絕句十七首

七言絕句八十九首

五言律詩一百四十三首

七言律詩一百八十五首

五言排律二首

通共四百六十一首

下卷

下卷

按詩屋一百八十四首

華嚴林必錦織文氏手鈔



温州市图书馆

WENZHOU LIBRARY

卷末 墓志銘一首
贈挽詩章共十首附

墓志銘一首

跋一首

康熙六十一年歲舍壬寅孟冬錄

溫州府圖書館

WENZHOU LIBRARY

卷七

康山人詩序

國家公車不勝士而士有茂才異等號跡_地死者往：逸于草野間故
 明詩在布衣中如孫太初張子言_{尚矣}嘉隆之際彬：迭異亦惟有
 若謝茂秦吳子充鄭中伯王仲房俞仲蔚顧聖之黃淳甫郭次甫沈
 嘉則_{周公瑕}洪從周諸人而游俞余久者則康山人裕卿也山人有俊
 才隱雁宕山中足跡半天下客長安者十餘年山人性淳謹又不妄
 謁其所與交者皆海內才穎之士是編多北遊詩即不擬唐何許人
 而朗潤清越如樞金考石固不中聽獨念山人抱用世之志鮮負俗
 之累而窮約作烏：之聲斯足悲矣語曰吐珠於澤誰能不合然則
 山人之詩信可傳哉昔唐范楚張龜與李杜交有詩名第布衣自兩
 人外不多得焉才難不其然乎余_{序山人}詩既憐其才而又嘆聖世多
 才如前所稱說也山人名從理字裕卿號曉山永嘉人

溯初經書

溫州圖書館 WENZHOU LIBRARY

五岳山人沔陽陳文燭撰

溫州圖書館

WENZHOU LIBRARY

雁
二鴈山人集序

二鴈山人集者詩人康君之所著也蓋鴈蕩山者吾溫名山也而南復有一鴈蕩競爽離立而君乃生其間庸詎偶然哉余早歲則識君余弟舜昭所雖知其長者未知其詩也已君比遊盡友當世豪俊則詩名大起而同里參知王君者尤知君君詩所稱舉大家負恃晏君者是也君之遊雖多公卿隆隆乎而其負乃如故不墮其守也所傾蓋輒膠漆賓館有魚而常越吟思歸不忘故也已而竟歸栖永嘉山水間而其詩益精每一篇出詩人爭傳之咸品君第一人方為君多之而君乃以疾卒年五十八矣士友既甚痛君將永君於千載會有吳中曹君者詩人巨擘也正來求君後之僅數日乃哀哭君而遂刪定其詩為若干卷總若干首而君之外兄少尹王君者亦詩人也相與勸力君

不朽之事寧有遺憾乎哉吾知君之目固瞑矣瞑矣序曰君之詩高者乃優入盛唐閭域下者亦實出流輩是其傳無疑也乃余因君詩而上下於古今詩人之際大率其自為言也常合其為人言也常離三百篇漢魏皆自為言者也六朝侈靡則為人之歆豔之也唐以取士無不為詩而詩亦多為律者則以人之富貴之也蓋兩者參半焉而工拙始分矣君生於休明其取士以經義不以詩而君乃癖詩無祿利之望以詩贄人人輻輳歸之無不願為君役者而君乃不以牟利竟以窮終其身故君之於詩也猶饑渴之於飲食也快意當前其孰不為工而工亦安取人憐哉然則詩之本君得之矣則宜其絕眾流而躋於岸也夫所謂永君於千載者非名耶名儒者不近也雖二氏之學亦無名欲顧君子之所以能相敬天壤者獨心焉耳故讀君之詩則知

君固窮之心與諸君子斷金如蘭之心是為序萬歷辛巳孟秋
既望江省左使同郡二冬山人侯一元撰

温州市图书馆

WENZHOU LIBRARY

Faint vertical text, likely bleed-through from the reverse side of the page.



温州市图书馆

WENZHOU LIBRARY

康山人傳

永嘉人也名從理字裕卿自號二鴈山人余童時見里中稱巨室必首康氏至嘉靖間中

試弗售乃棄而業詩

時甌中談詩者惟王拱甫侯舜昭項氏兄弟共余三四輩亦遂聞

矣裕卿少與余甥劉子高游子高將家子會寇起海上子高提兵赴吳邀裕卿偕裕卿即從子高入吳門闖兵革間凡幾歲冒波濤犯鋒刃蹈不測之險宵溟危之禍者數四子高泣向裕卿曰我死職分也君奚苦哉盍去諸裕卿曰君所以邀我偕來者以我能共生死也業以身許君今見危而去非夫也卒偕子高破倭奴收偉績子高旋拜大將建纛毘陵幕下之士日眾裕卿羞與為伍乃辭而之金陵修故業名動播紳間靡不願與裕卿游遂稍饒裕會劉子高病將草思見裕卿裕卿亟馳赴為之經紀後事扶其柩至武林復遠金陵當

字
能
詩
上
有
能

是時遠近之士無不義祐卿者祐卿不善生殖人有以急告輒推而
與之前所積盡散蕭然四壁矣而所與游者則益廣祐卿莫能支乃
偕項氏兄弟入燕京時余官司馬郎得見祐卿歡甚因盡其蘊吐
嗟異之曰康生遷至是就居頃之京師搢紳之士願與祐卿游者猶
甚金陵時矣祐卿耻以私干人取予必以義遇人有急難則奔走
之不望報居京師數年其貧如故而詩則益進余友朱海峯七祐卿
在金陵時所嘗同遊者也會徙官與余同舍間與之談祐卿海峯
亦稱賞頌一時海內之以詩稱山人者甚夥海峯初以祐卿亦今山
人者流也已而信服其行誼每讌集必偕如是者逾二年會余出守
天雄海峯亦請告歸祐卿送之臨河慷慨悲歌洒泪別去歲壬申海
峯起補官過余郡齋握余手曰吾此行不携家君又遠隔千里誰當
侶我余曰有康祐卿在矣因令祐卿僦居比舍海峯忽遘疾即中止

溫州府志

生死一本作死生

二三蒼頭淹數旬不愈裕卿謝絕家事卧起其側問藥餌時寒溫夙
夜因懈海峯病轉劇則為之旁徨祈禱度終不可為則為經紀權殮
海峯病將卒猶惺然囑裕卿後事已絕而復甦張目視裕卿裕卿
曰君憂遠道婦觀之艱耶我當護至山中矣海峯目遂瞑裕卿躬為
殮舍如禮收所遺圖籍扶其柩而東至中途舟阻弗前浪更而由陸
裕卿徒步從之備極勞勩比至山中為詩哭之盡哀乃去而適余吳
中予與海峯為肺腑交既再拜謝裕卿又相向哭盡哀裕卿比發時
社中友義裕卿多為詩歌高其行綫篇牘余痛海峯不能吟乃退而
為康山人傳云

一作生

王子曰論者每以富貴驗交情乃生死之際則益難矣裕卿遨遊措
紳間燕遊歌詠相征逐固與他山人等耳至臨患難際生死毅然以
身當之即古俠士不是過余前徵之劉將軍今徵之朱司馬益信裕

溫州不圖公館

WENZHOU LIBRARY

卿為義士哉義士哉

同邑友人王叔果撰

温州市图书馆

WENZHOU LIBRARY

二雁山人詩集上卷

東甌康從理裕卿父著

譙國曹昌先子念父校

五言古詩

五言古詩

山中雜詩三首

卜居去煩囂蕭條傍山麓
仄徑杳以深流雲媚幽獨
犬吠煙際林雞鳴樹間屋
撫心良曠夷居狀上皇
隩慨彼太行車遙覆輪軸
長謠中自怡巧梅非所逐

林居起朝暾東風吹習習
社鼓樂比隣祝年笑相集
雖無圭爵儋亦早玉為粒
所以古達賢龍蛇竟泥蟄
丘園時久非豈冀束帛入
寄語素心人終為事鋤笠

荒園惜閒曠樹之桃與李
無言答春工成蹊亦其理
春彼蕙與蘭含

集二卷作逐

英巖谷底豈不戀幽深
芳香逐風起計功匪吾私
所慨駒隙駛聞道
孔氏言夕為甘已矣

將遊玉女潭初發金陵途中寄顧季子

玄冬涉遠道、遠行且艱與
子別城隅含愴登寒山
據鞍屢遲滯所
念離別難徘徊望不極
游騎違重關、門迥且深
况廼經長林眷彼
丘壑美戒此馳驅
心日暮當停憩解轡投溪陰
詎曰厭孤寂憶爾綢繆
深綢繆兩心得淒其感
睽隅憂心曷以紆矧復臨
寒夕驚飈厲霜條哀鴻度
玄澤悠、彤殘燭落、慙孤跡
孤跡且自愉詰旦趁修途
渴飲荆溪泉飢嚼陽山蒲
遙、入雲端遠望臨空無
倘遇王子喬邀子同遊娛

贈周少尹

豐城翳神劍荆山蘊良璞
至寶苟在幽精光自遙
燭周侯體明德宏

才信超華筮仕值休明
佐茲魯與卓清淨
扇仁風疲氓霑恩渥
海邑固僻遐賢聲播閭闔
譬彼丹穴禽六翮
五文錯卑棲雖棘林
雄飛侯寥廓

山中梅花盛開因懷胡元瑞

端居歲方晏幽心轉淒惻
所思隔河關無由見顏色
山中有寒英冰霜不能蝕
皎、絕垢氣可以匹休德
道遠莫致之芳香聊自即

雜言二首

坎壈意不適孤坐憑前楹
眷此花間鳥關、聲和鳴
如何平生契別來歲邁
征舉目睇高鴻翩、一何輕寸心
聊可托遙向江南城

落日照林皋遙天夕澄霽
連嶂疊嶙峋空翠出雲際
吐嗟斷蓬根曷為塵氣翳
逕草寐以溪庭花婉何麗
昨感日丹陽條為朱明
遙覽鏡心鬱陶坐惜年華
逝歸去南山陸稅地有餘
計白雲滿檐楹偃仰情

不替長謠振巖巖，賤貧有真意。

將入雁山曉發珠浦山中

貪奇戒晨裝，聞雞攬衣起。名區性所耽，飄然神欲駛。徒御飽新炊，悠悠出田里。斜月挂寒林，餘霞媚秋水。山川發清華，肆目信佳美。誰寧役形骸，營々昧生理。

寄喻邦相胡元瑞

援絃綠綺琴，欲彈轉復却。零露濕空林，月間桂花落。引領立徘徊，山川鬱盤錯。美人立其間，觴翰共娛樂。徒有此清琴，天長意難托。誰念此衡門，終年守寂寞。悵矣步前楹，形影自相索。

七言古詩

七言古詩

遊張公洞歌

自從結髮走湖海，落風塵歲月改。足底煙霞萬里程，靈芝叢桂恣攀採。邇來卧病江水東，閉門忽經秋風懷。仙倏動十洲，想扁舟遠泛寒雲中。寒雲兮縹緲，青山兮窈窕。中有神仙之古洞，遙聞靈異如蓬島。初臨冥昧不可測，疑是乾坤未剖割。張燈列炬試魚緣，倒石巉崖畏攀涉。千盤百折一線通，秘戶玄扉竟何極。懸峰倒刺斷，復聯舉頭四顧心茫然。珊瑚作柱玉作壁，祥光燁絳青蓮飄如乘風渡滄海。波濤滿目珠驚駭，矯若翳鸞朝玉京。雲霞萬疊飛氤氳，瑤花貝樹自糾結。舞鳳蟠螭更奇絕，巍丈人冠弁雄裊。仙姝環珮綴蛟龍，擎撥日月昏虎豹。盤踞山谷裂，安得駕列缺而長驅。策燭龍于不滅芝田，晨耕丹竈夕藝衣。空洞之雲綃，冷靈囀之玄雪。長遊洞府春永

締松喬悅凡胎未濯塵念生回頭倏忽迷蓬瀛赤鳥空紀造化力金丹已負神仙盟歸來城市恍若失翛然獨悟神魂清吁嗟乎人生探奇須盡丘壑情尚平胡為兒女攫謝公却負登山名

白嶽歌為何侍郎賦

白嶽踰東南雄秀結青芙蓉奇巖怪石摩蒼穹含煙噴霧長溟濛下帶新安水迤碧波駛遙看敬亭山兀飛塵間幽古澗住仙靈隱諸峯飛日月巨廬峙其左大江走其東高標凌海日佳氣挾長虹紫殿千重接紫宸青林九曲帶青雲琪花瑤草儲靈藟暮靄朝霞爛綺文歷層巒散玉叢瑤笙縹緲隔遙空天門涵曙色玉女駐春容霞洞雲長濕桃谿雨盡紅攬秀登臨亦快哉初仙臺上試爽徇白猿帝落林間月玄虎眠殘石上苔茲山冠寰宇借問誰其主鐵鷹光搖日色寒青驄聲落霜華雨霜華日色共氤氳散作甘霖遍九垓請

看一作作瞰

換一作作飛

看朝暮諸峯上黯黯長含萬里雲

贈張秀才

有人家住漢江曲白首窮經嗜真樂聲名日滿天地間不厭貧居尚
泥瓊今皇三載燕京遊章縫不羨公與侯壚頭一醉意豁爾側身消
盡乾坤愁蛟龍尺水未必死爨下之木良工求誰寧憔悴丘壑
翺好待同風秋

送別丘謙之計部出守潮陽

憶昨逢君長安邸製錦華陽名赫起循良有績漢主思掌計須君國
家倚竦身昂天馬資足下風雲日千里解釋萬事游刃中迴映清
冰玉壺裏自將郢國陽春篇散入風塵煥文綺二三知己軼長安俄
然貴却洛陽楮余也荷衣差似雪短刺經年字俱減囊中無錢百不
憂五侯門前足行不躡何來握手予右心詎問升沈及工拙卜鄰不隔

行一作作足

一亦無別字

暮與朝日對庭花夜城月磨來短劍未報君匣纏虹光寸心結潮陽
古郡漲海東鯨鯢十載吹腥風剪伐已賴神武力只今凋瘵思春融
撫綏日屋天子念求賢曉御明光宮簡拔良守釋南顧保障非爾誰
其雄為霖為雨澤遐土振枯起稿回天工丈夫要須照今古誰寧齷
齷同凡庸燕山十月北風急淚洒紅冰暗沾臆牽裳且復立斯須唱
徹騷歌慘無力尊前雲雨可奈何回首春凋五陵色蒼梧之野雁不
飛瘦嶺梅花夢魂棘茫關塞道踞長歎附晨風恨無翼賴爾城頭
栖鳳凰化作文章照辰極

靈槐篇為李中舍作

君不見長安街西有古槐枝枯如鐵生莓苔拂雲捧日已千尺亭
聳立何雄哉翠濤翻風墜冰雪綠陰如雨沉樓臺根蟠厚地得神力
云是上公手親植曉霽光涵雨露秋夜深影動星辰色南省仙郎舊

陰平作陰

鳳毛韋賢事業倍增高
培根樹德識繁茂不羨王家世澤豪
茲聞入夢轉靈異彩筆文綃為標記
濃蔭人懸名伯思喬柯匠識明堂器
托根元非凡木同扶疎
自近蓬萊宮青不改萬年葉長挂扶桑日影

紅

送表兄王衡村還永嘉

薊門塵沙秋款夕
楓葉翩、雁聲急
况當離別第與兄
一唱騷歌慘於泣
憶昔垂髫同少年
看花嬉笑春風前
蹉跎半百恥未立
鏡中白髮心茫然
吾生不辰離亂逢
誅求到骨身飄蓬
雁門零落鸞鏡缺
歎歸爭復田園空
別來不覺歲已久
江城十度空楊柳
都門暫爾展舊歡
寸心未吐悲分手
酌君酒我且歌行
天白日如飛梭
百年聚散已難計
悠悠此別將如何
君今還故山寄我片心去
雁蕩仙巖秋月明
直上白雲最高處

温州市图书馆

WENZHOU LIBRARY

陰下作陰

鳳毛韋賢事業倍增高
培根樹德識繁茂不羨王家世澤豪
芬聞入夢轉靈異彩筆文綃為標記
濃蔭人懸名伯思喬柯匠識明堂器
托根元非凡木同扶疎自近蓬萊宮
青不改萬年葉長挂扶桑日影

紅

送表兄王衡村還永嘉

薊門塵沙秋款夕楓葉翩
雁聲急況當離別第與兄一唱騷歌
慘於泣憶昔垂髫同少年看花嬉笑
春風前蹉跎半百恥未立鏡中白

雁門當从別本作雁行

吾生不辰離亂逢誅求到骨身飄蓬
雁門零落鸞鏡缺歌

空楊柳从別本作青楊柳

空別來不覺歲已久江城十度空
楊柳都門暫爾展舊勸寸心未吐
悲分手酌君酒我且歌行天白日如
飛梭百年聚散已

難計悠悠此別將如何君今還故山
寄我片心去雁蕩仙巖秋月明直上
白雲最高處

臥病一作病臥

寄項豹章

前年與君同作客，尊酒留連共朝夕。今年君歸我尚留，淒涼卧病長安陌。
 憶與君別時，江亭綠柳垂煙絲。片帆南去疾如箭，碧雲萬疊勞相思。
 今來秋風漸蕭索，幾度思君淚雙落。吳天茫茫滄海深，夢魂不
 畏蛟龍惡。念君歸良可哀，雁行零落心應摧。江山無言失舊色，池
 塘春冰生寒壓。歌聲一發腸欲裂，情余幾作無期別。殘骸未枯會可
 期，但愁短鬢朝如雪。悠悠世事詎足憂，古來豪傑皆荒丘。銅臺已傾
 金谷改繁華，轉眼如浮漚。君亦不足苦，半華山堂勝金塢。花月長盈
 杯酒前，慷慨高歌且梁甫。

送沈箕仲南歸

西風颯々木葉飛，都門悵別牽君衣。黃塵滿眼道路塞，瑤琴欲奏知音稀。
 嗟我山中人，落魄走京國。漫爾逢君大道傍，握手無言兩心得。

魂疑當作魄

病卧一作

温州市图书馆

WENZHOU LIBRARY

慷慨同歌白日寒不向黃金改顏色羨君清才不可當
筆端萬斛珠光圖南未逞大鵬翼天池雲水空微茫把刀贈君
莫疑揚眉吐氣須逢時會稽樵夫渭水釣英雄莫笑經綸遲
我有救紫貂脫換燕市酒未可殷勤吐寸心聊得須臾緩
分手君不見昭王臺昔時黃金今泮萊鏡中朱顏忽凋謝
黃河東逝難西回不如相逢且飲酒醉中長嘯心神開
君今南歸我尚留寒雲萬疊飛鴻愁青山落日此時恨
傷心何處登高樓

送譚比部出鎮豫章歌

君不見金陵道滿目青
盡煙艸煙艸年
送馬蹄一回一別令人
老又不見江上月
今古無情照離別
聚散人生莫可期
安能與月同圓缺
羨君獨秉河嶽英
少年射策登王廷
為郎三載寄華省
隋珠和璧輕連城
邇來東南有小醜
跳弄潢池勢雄赴
天子臨軒意獨專
知

君元是屠龍手行旌此日發帝鄉鐵冠豸服明秋霜先聲已自奪豺
虎化作春陽入豫章送君去意轉悠々曉日蒼々暎碧流蘆花兩岸
白於雪一望煙波生遠愁

送姚太守之任大名

金陵才傑君獨賢少年射策凌雲煙朱顏皎々未三十殊恩特拜專
城權形瞻金印照桑梓錦服承歡樂何似百畝湖田竭旨甘萬斛牙
籤集圖史羨君羊神自超越滾々河流才不竭千尋碧澗篔簹寒松萬
里瑤天瑩明月都門昨夜使星動冠蓋如雲出相送玉壺清酒花復
殷金鞍寶馬嘶青山澶淵道白下城一望迢々州色清送君思君無
限情

寒松冊為劉封君賦輓

少微光隕章江夕落木悲風送秋急喬松百尺撐寒雲突兀乾坤見

孤立劉翁愛此有後意歲寒心事誰能識天生不世真奇才精靈奪
盡山川力盤拏自老虬龍姿幽貞兩抱冰壺色少年讀書老不倦眼
底浮雲竟無戀春風點石萬物私片言如獄千金賤赤龍只今向蓬
海歆拜清魂竟何在東流慘淡寒日微玉筍千峰失光彩獨餘巖上
瑠瑤杖宗樑巨棟明堂待茲來半刺借江城樹棠陰接煙靄噫啼
吁劉翁之澤垂千載

綠猗亭為王竹巖中丞賦

城邊新築東山墅謝客巖前映秋水千章高樹排蒼雲一片清寒隔
塵市中丞由來抱奇節屹立乾坤誰能折種成^綠木無凡花萬玉蕭
蕭傲水雪琴書滿床酒滿觴時宴客喧高堂綠雲沉晝不墮澄
湖入眼如瀟湘亭中豈來浴子迹我亦二仲能徜徉讀公之書醉公
酒耳畔颯天風吼曼玉鏘金滿林藪

獄當作嶽

啼吁當作嘻吁

孤立劉翁愛此有深意歲寒心事誰能識天生不世真奇才精靈奪
 盡山川力盤拏自老虬龍姿幽貞兩抱冰壺色少年讀書老不倦眼
 雲竟無戀春風點石萬物私片言如獄千金賤赤龍只今向蓬
 海歆拜清魂竟何在東流慘淡寒日微玉筍千峰失光彩獨餘巖上
 瑠瑤杖宗樑巨棟明堂待茲耒半刺借江城樹棠陰接煙靄噫啼
 吁劉翁之澤垂千載

綠猗亭為王竹巖中丞賦

城邊新築東山墅謝客巖前映秋水千章高樹排蒼雲一片清寒隔
 塵市中丞由來抱奇節屹立乾坤誰能折種成^綠木無凡花萬玉蕭
 湖入眼如瀟湘亭中豈來浴子迹我亦二仲能徜徉讀公之書醉公
 酒耳畔颯天風吼曼玉鏘金滿林藪

絲雲當作別本作綠雲

豈琴書滿床酒滿觴時宴客喧高堂綠雲沉晝不墮澄

談
不
作
譚

送談思重參軍子告還晉陵

去年奉使盧龍塞躍馬揚鞭騁雄昧朱旆捎雲野艸低霜蹄踐月寒
光碎今年事畢覲天子特以賢勞賜褒美樞府龍韜幕下籌帝京魚
鑰長城倚西風吹雲南雁翔故園入夢尊鱸香朝持尺書叩閭闔暮
承休沐還江鄉潞河長帆挂天起簫鼓搖秋萬里吳雲楚月金樽
傍海色濤聲彩毫裏清川縈迴帶華薄春花十里照城郭林中曲屋
文杏栽池上春山闌風卓交情却憶十年餘青眼相看意不虛未唱
離歌心已折蕭蕭楓葉蒹門墟

同王武選過唐比部新居

長安街西地亦幽入門蘿壁蒼煙浮青山隔城見古色白雲作署銷
塵愁坐清高林接上苑酒闌寒月懸西樓相過不少歲星侶乾坤意
惟皆滄洲

溫州府圖書館

WENZHOU LIBRARY

金萬癡何子剛見訪

寒林葉深冬日微
何來二仲敲荆扉
中厨亦自啄烏粒
上客能不嫌牛衣
白雲向人真意得
青山對爾塵言稀
出門倚棹月皎
素心縑
縑君休違

Faint vertical text columns within a green border, likely bleed-through from the reverse side of the page.



温州市图书馆

WENZHOU LIBRARY

五言絕句

五言絕句

雜咏六首

白雲壓林皋澄江浸山影手中一綸竿清風接箕穎
踏入蒼山古桃花浪亦香村之桑柘影落日端魚梁
水帶瀟湘潤山連鬼谷幽百年江漢迹高卧草堂秋
古寺巖叢巖孤帆白天末隔水起疎鐘人煙冷紅葉
孤堞寒雲亞千山暮雪迷自憐清絕意倚杖灞橋西
闌徑穿高樹開門倚大河長安塵土色終不到藤蘿

題王必漸畫冊四首

花竹春山靜柴門遍綠苔幽人無侶伴時共白雲來
江頭春日暖宿雨潤輕花訊爾孤飛燕應歸舊主家
江虛雲歆墜秋水浸柴扉落日微風起漁舟歸不歸

秋歸蘆荻寒月暎瀟湘白羣雁隔重雲腸斷孤舟客

長信宮詞

何處金輿度重門月到遲莫嫌岑寂地曾記奉恩時

曉起息園看芙蓉同郭山人賦

疎雨濕寒塘曉色蒼煙裏芳魂不自持盈一映秋水

起步梧桐月影懷孝符

殘漏隔秋林月照重門靜徘徊中自傷立盡梧桐影

清江浦夜泊


關塞家何在清江夜泊船傷心波上月蕩漾不成圓

子夜曲二首

所歡在遠道夜々愁空床但守歲寒心有露終成霜
君如雨餘絮隨地粘泥沙妾非陌上塵安得逐君車

大乘菴

石徑遠寒流漸入煙霞境寧知獨夜禪月照千峰靜



温州市图书馆

WENZHOU LIBRARY

不言絕句

元夕紀事六首

笙歌風卷入雲斜
簾幙千重簇絳霞
珠樹畫樓聯翼鳥
鴛池春發並頭花

城闕高寒月倍明
天街遙送踏歌聲
竹枝楊柳春多思
紛作江南別後情

駿馬驕嘶白玉鞭
雕車翠幙鬧爭妍
萬人開處笙歌入
一道香塵散彩煙

濯龍門外五侯家
舞袖千羣燦錦霞
倚醉不知冰雪在
先令火樹夜生花

萬花嬌映石榴裙
弱水蓬山路此分
醉裡不知誰夢_是香煙空結楚臺臺雲

翩：俠士五陵東馬上橫飛氣自雄慷慨獨留肝膽在黃金一擲笑
談中

春日山居七首

門掩青山陸似沈晴花分映艸堂深白雲一片能相戀消盡風塵是
此心

響簪奪筮芽巧弄音半聽花日夢初沈懸知天上雲門奏不換春山竹
裏禽

竹籜為冠薜製衣中林高枕過人稀乾坤似亦私貧賤分得青山可
慰饑

松蘿門巷鎖春煙暖入桃花促醉眠世事盡拋高枕外無懷真作夢
中天

幽花抱榻畫冥冥深樹流鶯獨坐聽故舊天邊春未寄鎖魂芳艸傍

銷

愁青

客來隨意可班荆
綠酒芳香泛落英
自愛山家滋味薄
不將春韭羨侯鯖

咫尺陽湖勝
輞川主人更比右丞賢
尋常小艇春堪載
不必山陰夜雪船

吳淞

霜滿蒹葭月滿津
坐憐孤影傍愁身
相思一夜風前笛
亂落梅花不是春

秋泛洞庭

君山南望淨風煙
遙拜湘靈思渺然
欲採江蘺薦瑤席
洞庭秋水正無邊

無題

悲一作哀

高樓愁倚淶江深一曲琵琶月影沈莫訝江州輕有泪別離後古易傷心

冶城道院夜坐

空庭香氣暗氤氳河漢迢迢夜漸分華月入林人已靜滿階桐葉亂秋雲

聞雁

長江秋夜荻花開月映澄波影獨來莫向寒雲更悲怨斷腸孤客夢初迴

一作哀

莫春夏處士園亭

新竹山牕蕙艸香自將幽思對蒙莊衡門獨掩無人到落盡亭花日正長

雨懷

寶瑟淒涼古調傷
淚痕輕點鬱金裳
一庭風卷芭蕉雨
銀燭微銷夜轉長

次黃淳甫

往事無憑亦浪嗟
空留春恨在東家
江南江北迷烟雨
一任輕風送落花

夜泊二首

千峯兩岸壓孤舟
月色灘聲伴客愁
十載家山歸漸近
鄉心翻自向并州

春樹猿啼野泊中
夢回三月照孤蓬
溪聲却帶歸心急
一夜潺湲只向東

舟中

孤舟西日度平沙
雲壓長天雁影斜
家寄林陵山萬疊
芙蓉秋水夢秣

寒花

運河垂柳

萬株垂柳覆長溝
日月雙懸照碧流
聖代只今勤內顧
清陰不帶汗
堤愁

雨坐

簾幕低垂燕子閒
桃花春盡隔千山
十年湖海無窮恨
贏得蕭然鏡
裏斑

山中

青山石路障烟霞
雞犬深林自一家
盡日喜無車馬到
笑看流水泛
桃花

柳枝詞為程汝楫賦

濕露搖風拂水濱
輕盈如鬪楚宮春
銷魂不奈河橋暮
猶自顰眉向

遠人

訪卓城甫四首

十年遙憶醉壘頭花下燕山隔勝遊
款寄相思與飛蜚雁暮雲關塞不

禁秋

刪就玄經草一亭鉤簾寒挂萬峰青
浮雲身外元無繫縱起金門亦

歲星

祇樹新栽竹外林焚香晏坐意何深
知從妙喜超生滅今續維摩未
了心

家傍西湖樂事多春風日盡船過雄心
一片將明月醉挹青天倚
劍歌

入能仁寺登四十九盤嶺

絕巘孤危鳥道懸羊腸曲逗風煙雲邊
碧漢寒相映秋落芙蓉鏡

裏天

客星槎為方元素賦

澄江一片淨無煙
欲溯孤槎日月邊
載取銀河秋夜色
清華俱作上都篇

寄表兄王衡村

酌酒談棋亦歲華
高齋頻過意無涯
半牕清月藜床話
坐對庭前夜合花

集孔陽宗侯宅賦得酒

鬱金香瀉玉壺清
不飲其如達者名
今日西園羣彥集
也能設醴為康生

江上月

清垂寒影伴孤舟
圓作歡情照玉樓
一種光輝江上夜
催人歌管助

人愁

凱歌二章贈劉都閫子高

萬里滄溟積霧空
舳艫千里蔽長風
吳淞安得千尋石
為記平蠻第

一功

國士龍驤氣若雲
犬羊漫自有千羣
魁從不忍皆誅殺
馬上停鞭艸

檄文

送吳明卿叅知還大梁 五首

立塵五馬風雲擁佩刀
中原岳牧世稱豪
未將楚國陽春曲
添作燕山白

雪高右

西望旂帷去若飛
滹沱寒日影霏微
報君無地空懷劍
灑淚秋雲濕
布衣

豈必黃金活賤貧
艱危當日片情真
十年飄泊燕臺下
亦是夸門感

一本
字在都閫下

一本
作塵雲作白

激人

裘褐悽惶短髮殘歎歸滄海傍漁竿青雲回首煙蘿隔轉意長安此
會難

鄉故詞賦舊時名寂寞煙霞艸樹平今日梁園秋月色只應千古為
名明

送項豹章還永嘉

鴻雁悲鳴感異林青山飛夢海雲深君應知我無言淚故園難歸寄
國

此心

送蔡計部之徐州替儲

暫輟含香出漢宮丰帆秋色海雲東
鄼侯舊里如相過應問當年轉

餉功

送曹子念還婁江六首

余家東越爾東吳同著荷衣客帝都袖裏魚腸光射斗風塵誰解識
屠沽

長嘯風前拂布袍片帆歸歷廣陵濤洞庭霜橘吳淞膾醉裏青山日
月高

握手離愁燕市傍江南秋色正微茫烟霞盡入囊中泐添作驪珠海
上光

無論行路自悠々白雪歌成出帝州今日鍾期婁水上朱絃那得白
人愁

君歸家住大江皋濯足東溟萬里濤梯石青天高卧枕投竿無意釣
鯨鰲

離瑟高聲欲斷魂蕭々易水對清尊丈夫意氣看龍劍未必千金即
是恩

送安茂卿遂梁溪二首

一尊臨路黯生愁
馬上寒雲凍不流
握手陵陽千古泪
無言沾洒向貂裘

曲：寒塘水拍堤
千花三月暗梁溪
長江不隔相思夢
行數青山踏不迷

送王立德之留都三首

駿骨原從渥水源
蹴冰踏鐵氣猶存
鹽車一駕長鳴地
芻秣誰云是主恩

青門尊酒泣離歌
自挂高帆下九河
世路只今多按劍
莫將簪弁薄煙蘿

種秫元多負郭田
誰甘五斗向人憐
扁舟岸幘高歌去
探得驪珠海日邊

驪

送胡元瑞遊楚七首

楚江煙月待仙舟，萬里看君彩服遊。
忽唱離歌尊酒畔，五陵花鳥動春愁。

黃鶴翱翔不記年，高樓猶自壓風煙。
銷魂最是凭欄處，芳艸愁連蘄

北天

江海悠、向海流。風煙不動練光秋。
囊中收得驪珠艷，夜、蛟龍窟

底愁

魚腸晴影照長空，大野寒生匣底風。
翻手屠龍君自得，肯將連鐔事

雕蟲

分付離愁向玉琴，薊門風雪助靈襟。
相思若問心何似，衡嶽蒼、夢

澤深

何意雲萍聚鄴都，上林花月醉相呼。
誰堪轉作關山夢，風雨瀟、散

五湖

雙合溪流散穀文江山千載一逢君
茲行故里陽春白添作城頭五色雲

送彭稚脩還豫章四首

易水悲歌對濁醪腰間龍劍照奔濤
匣歸好護芙蓉色添作豐城紫氣高

河邊立馬聽驪歌人自傷心水不波
握裏但將明月在任他按劍踏

榜多

莫向黃金貫酒貧墟頭不散蒯門春
試觀千載英雄事堪作肝腸是幾人

彭蠡蒼茫浸碧空路歧無限嘆飛蓬
銷魂最是秋風裏不得南飛似雁鴻

徐州別曹子念四首

彭城秋草帶斜曛
惆悵逢君又別君
聚散自由能不繫
傷心不及楚山雲

東馳如電逐長河
秋水連天淨不波
安得峭帆同挂月
中流一和榜人歌

寒聲不斷雁隨風
燕子樓西日影紅
君放扁舟何處去
長河那肯不流東

蘆荻蕭蕭老自愁
太湖煙月萬峰秋
君歸好斫吳淞膾
莫道中回剡曲舟

送李本寧太史出叅秦藩五首

視艸鸞坡久著聞
少年才子孰如君
孤騫去作岐山鳳
寤寐莫城頭五色雲

涼一作梁

且醉燕山舊酒樓故人拚盡鷓鴣裘陽關見說無窮路葉：春煙柳
色愁

一作梁

東

羌笛聲中落日愁千山秋月古涼州關門不隔雙魚字日夜來渭
水流

灑樹洩雲踞渺漫沙場霜月戍樓寒清歌若傍金尊醉亦是長安馬

上看

莫問鏡歌出塞寒由來岳牧重虞官任他灑坂推車地行擁朱輪踞
不難

留別真州諸丈四首

殘楓斷雁暮雲間別路誰能不淚潛歸卧煙蘿堪自老肯將白髮負

青山

孤帆四望楚天寒南入吳關更渺漫一片白雲江色暮空將明月對

愁看

客心無限故鄉愁，却為情深十日留。
老倦只今悲塞雁，年三樓泊向

沙頭

千峰萬水踞難分，一曲離歌可奈君。
關塞不將魂夢隔，青天飛作楚

天雲

送朱在明光祿還靖江二首

黃金世路爾能偏，負賤交情二十年。
今日山川分手處，銷魂雙淚一尊前。

彩筆春華授簡前，平臺賓客讓君賢。
曳裾亦是藏身地，偃蹇長哦桂樹篇。

江離館再別在明四首

十日平原飲未休，歸心隨雁上扁舟。
多君不盡相留意，一片長江白

海流

白首歸將卧海雲
西風吹葉雁初聞
故山他夜梅花月
惆悵清遊不共君

離愁堪向酒中消
越水吳山路不遙
最是相思魂夢近
孤帆一片挂寒潮

江城曾得謝公遊
君若能來路不愁
明月一舟散子瀨
青山兩岸映寒流

漫興二首

一林紅紫鬥芳神
病裡移床賞更新
却笑長安車馬路
風塵吹老未

逢春

日自西馳水自東
長歌天地意無窮
含情最是青山色
閱盡興亡不

語中

五言律詩

萬花林

步屣春難盡青林照萬花香沾衣上雨紅暎酒邊霞地豈河陽借人
多梓澤誇山川今漢代不是避秦家

集歐國博寺中館

宦跡棲雙樹幽心自不羣客尊分湛露書榻冒慈雲地古塵聲隔天
青枕樂聞何知星聚此光映斗間文

與胡元瑞夜話

一作此聚

地僻沈更漏燈花喜對君衰遲翻有托神秀本無羣六翮翻青溪孤
雖傲白雲不眠銷病色聲節子虛文

歸興二首

短棹桃花水南歸亦勝遊纜牽沙雨淨帆挂柳風柔入饌饒金鯽狂

聚此一本作此

歌狎白鷗妻孥將十口相對不知愁

清白吾寧賤囊貧意未枯有天容飲啄無泪洒江湖永夜星隨鷓鴣芳
春酒在壺故鄉歸漸近煙雨暗蘼蕪

過天津

重鎮黃圖外高城大海間千帆歸禹貢百雉擬秦關碧湧天邊浪青
浮霧裡山百年兄弟詎星漢一槎還

河堤楊柳

幾樹河橋外絲絲影碧涼谷鶯寒語並沙燕兩樓雙舞翠縈行騎吹
香撲酒缸似憐春色暮飛絮遶船隄

歸途雜興二首

百尺牽紅雨真同上瀨船悶難祛綠蟻愁會託朱絃世事狂歌盡春
華逆旅捐自堪衰謝色不作鏡中憐

江月圓如此離心奈若何日惟銷枕簟春自隔關河長路憐分魚中
流憶和歌淮山應有意青傍客帆多

寄廷尉王元美公

雅望歸元禮門難比翟公賦毫翻巨海談塵起雄風世事深盃外時
憂短髻中朱絲棹手屢心遠寄飛鴻

寄孫千甫揮使二首

萬里書難托愁深朔雁邊囊餘三賦業家有七書傳節槩龍泉外風
雲驥足前燕然虛片石應不負當年

緩帶遊何逸橫戈志未磨氣能吞海嶽心不離煙蘿酒世中山醞芳
春子夜歌向來思汝切目盡望關河

江離館與朱在明話舊三首

鑪氣青浮榻蕭蕭雨一樓竹如能愛客花亦解憐秋
衰颯悲前路淒

聚一本作欽

涼語昔遊燕臺裘馬事今日任東流

握手情難盡清尊况不空年華萍梗外朋舊死生中露砌飄殘葉雲
江咽斷鴻一燈寒照語淒恸意無窮

萬木清霜候江山亦自哀晨星憐舊聚夜雨慙今來髮任侵梳短愁
難傍酒閒欲將詞賦遣君是子山才

同李珠山劉子伯張少谷李少白陳都尉伯仲集施引之園亭

得秋字

遠一本作逸

談笑一本作
真得

關徑深依市高栖羨故侯飄蕭從白髮踈遠自井丘石帶寒山色花
禁古樹秋相過頻不厭談笑慰羈愁

飲朱偉卿綠雲樓

真得

樹影垂簷際儵綠浸楹竹含秋雨色松作夜濤聲古石蘿交網寒
江席與平遨遊兼叔氏不媿阮家名

同李季宣過朱仲開明府江口庄

晚計君能得畊桑此地深山憐高枕意雲識挂冠心竹影寒低戶江
聲暮入林徘徊尊酒際無語對瑤琴

蔣伯皆携尊過訪

江橫浮地潤山霽出雲尖坐愛林中日頻褰竹下簾梨尊銷旅寄艸
樹隔閭閻細語皆幽事相將暮欲淹

同侯帥之夜過李季宣宅

素語忘侵夜庭虛轉玉繩燈清分淡月光艷祀寒冰絕足終天漢孤
捺自廣陵荷衣悲漸老對爾意難勝

同李季宣侯帥之諸君集戴中玉宅觀妓

海內同心舊徵歌綺席開彩毫驅夜短紅袖挽春來雪似飛梁苑雲
疑下楚臺興留重秉燭鐘漏莫相催

一作作夜過李
季宣宅同侯帥
之

夜集李季宣宅觀菊

曲屋春疑駐懸燈照菊林
艷增歌妓色幽稱野人心
鈿翠嬌相傍星霜老獨禁
綠尊情繾綣應比夜江深

集侯師之宅

天濶疎魚雁相看一點然
俟將歸隴上愁且傍尊前
吐艷燈如喜騰光斂欲騫
浮生須自達白髮竟誰捐

簡東文學張惟守

天涯殘歲雪竊客意何深
黃竹懷周咏幽蘭憶楚音
粒米真白玉囊在豈黃金
念汝如能過相看比素心

送張見吾北上謁選

經學傳韋氏孤雲出雙同
客情殘臘外離緒一盃中
慢世憐方朔匡時憶次公
更兼池州夢長跼對春風

丁丑除夕

歲盡天涯夜悲歌倚前楹
踞因難更苦身傍老偏愁
濁酒衣能換朱顏鏡不留
十年湖海寄飄泊浪成遊

新春過施引之園亭

羨爾專幽勝林居小市西山
將雲並入竹與路俱迷就日
花爭吐憐春鳥競啼素心堪
我輩尊酒數招携

初居山中五首

歸及故山春蓬蒿亦自新
款求簞食樂不厭灌園貧
業恃書千卷機忘釣一綸
長歌雲共月嬾散任吾真

高卧捐塵想孤雲迹自輕
靜堪蘇病骨幽得避時情
山月牕間墮春潮竹裡生
衣裳吾欲廢無客到柴荆

倚杖看農事邨帶雨耕門
將芳艸閉心與暮山清
駘蕩春無恙銀

冥

雞歲有成向來臆臘計亦繫野夫情

垂老歸鄉國雲山意自閒任蕪松下徑從長甌中埃茅屋因人借花
源待客來春風遊不厭多病亦登臺

沙映江雲白山連野竹青放歌心慷慨隱几意沈冥混物堪無我觀
空厭有形何人江海釣老我少微星

珠浦山中雜言十首

僦居聊寄息薜荔滿閒園是地雲俱白非春鳥自言詠歌後下里幽
獨擬東北濁酒隣家醉貧文古意存

一室軒牕靜山垂四面青已堪超白業爭敢擬立經疎豁天尤大清
深草自營黃農耕鑿際吾道倚沈冥

一片清虛境暘湖帶浦西山藏煙火靜雲壓水田低漫興花間策幽
尋竹上題想應桃李月亦似武陵溪

卷二 作暉

温州市图书馆

WENZHOU LIBRARY

九畹初分種幽芬闕草堂每因於素質爭肯効紅妝澤在絳堪佩情
深遠未將美人煙水外清夢自瀟湘

曲塢春雜盡空林日正長雲來時入牖鳥下亦窺牀杳嶂常飛翠幽
花不斷香無機天地濶率意一翱翔

坐卧藜床短清齋亦似僧谷愚堪養拙閣峻且高憑世路負難棄時
名老易憎枋榆聊自適誰復羨飛鵬

完傍梅仙嶼門當子晉臺一丘堪偃蹇三徑任蓬蒿薄命杯中負幽
期竹下來端居非傲物翻恐世人猜

山畔亭孤立高憑縱目睎壑鳴松起籟出濕雨垂花溪澗縈千帶村
原錯萬家翠屏時點染白鳥半行斜

萬古緜袍意孤彈綠綺聲感知深有淚行踪淺會情索豈千金贈囊
猶一劍鳴不緣高義在飄泊任吾生

清一系作青

十里緣山徑居背郭遠林清全抱屋浦曲細通潮荔挂齋牆古花增
增老樹嬌向來幽事熟竹裏莫相招

聞王中丞南柳別業梅花萬樹因以賦之

却憶東山壑墅開林玉樹分半牀仙渚月千頃大羅雲冷艷春前吐幽
香雪後聞最憐心並潔堪作歲寒羣

五月望日過王叅知賜湖庄

夜色纖塵淨湖光挹席流月如松際吐山若鏡中浮濯魄壺水潤翻
歌玉樹稠境移炎暑薄天地亦先秋

同王中丞張公子丘戶侯王刺史山庄對芍藥

竹樹扶疎地乾坤豈有私白私莫論移棹遠翻恨對花遲斂態如將雨含
嬌却傍危移來仙夾圃曾得種瑤池

哭童子鳴二首

浦一系作圃

温州市图书馆

WENZHOU LIBRARY

清一未作青

十里緣山徑居背郭遙林清全抱屋浦曲細通潮荔挂籬牆古花增
增老樹嬌向來幽事熟竹裏莫相招

聞王中丞南柳別業梅花萬樹因以賦之

却憶東山鑿開林玉樹分半牀仙渚月千頃大羅雲冷艷春前吐幽
香雪後聞最憐心並潔堪作歲寒羣

五月望日過王叅知賜湖庄

夜色纖塵淨湖光挹席流月如松際吐山若鏡中浮濯魄壺水潤翻
歌玉樹稠境移炎暑薄天地亦先秋

同王中丞張公子丘戶侯王刺史山庄對芍藥

豈有私原本作亦自私

乾坤豈有私莫論移棹遠翻恨對花遲斂態如將雨含

矯却傍危移來仙夾浦曾得種瑤池

哭童子鳴二首

國作

清一未作圓

温州市图书馆

WENZHOU LIBRARY

把臂猶前日沈星已隔年
蘭膏天竟左雞黍淚空縣
逝水千秋去浮雲萬事捐
龍丘高士地應不愧先賢
莫啟泉臺曙乾坤涕泗中人皆傷
碩石名豈藉雕蟲暮艸寒
栖雨原花晚墮風悲涼
身後事未與尚生同

寄輓彭稚脩郡博二首

薄祿難成養傳經志未酬
桂愁淮嶺月花憶帝京
遊鶴馭乘颺去蘿軒聽
雨苗章江東逝水嗚咽向荒丘
把君前歲事一度一凄然
天豈文章如人猶意氣
憐賦苗梁苑艸琴失廣陵
傳已斷今生晤傷心楚些篇

夜宿明上人房

吳楚分疆域人煙總畫圖
山兼雲不斷天入海俱無
石闢奔濤險崖懸古殿孤
半牀禪定月對爾坐冰壺

漂母祠

城闔留棟宇下馬益凄然
恩豈千金重名因一飯賢
河聲猶楚塞野色似秦年
多少含饑士雄心灑淚前

輓陳和叔光祿

忽洒西河淚俄驚岱嶽遊
人將名士急天豈善人訾
日恹衡山色雲添楚澁愁
向來雞黍約悽咽遂千秋

宿明公房

未能超世界此夜宿諸天
露白經壇石燈青佛坐蓮
靜觀皆破妄小語亦歸禪
坐愛梅林月亭々玉鏡懸

過揚州二首

目盡平湖迴帆懸暮色愁
鶴橫滄海遠鳥下綠蕪幽
觀冷瓊花白歌傷玉樹秋
連岡榛莽外何處問迷樓

水亦作水色

一作

荻蘆搖野水秋風正蕭騷露冷簫前月風橫賦裏濤楚煙浮地白隋柳入雲高却笑東流迂催人日夜勞

寄馮仰芹藩伯

海岱標靈異經綸世澤深藜然對白閣玉樹謝家林莫以東山卧能捐魏闕心萬方多事日民物望為霖

姚元白知希齋

地靜忘鷺俗門清即上皇全神深用拙抱道益韜光白日窺高枕青山對舉觴無機天地濶真與世相忘

送南昌王郡公入覲

木葉飛南浦離心酒一觴天連雙闕近路入九河長鱗外垂牛斗洲前起鳳皇章江霜後色莫學使君裝

宛在亭為方戶部賦

弱水移方丈風塵此地分波清宵漾月亭迴畫生雲霄漢槎堪溯滄
浪咏可聞朱絃時一奏宛在洞庭宮君

東湖草堂為趙刺史賦

一碧浮千頃初陽照畫檐門將銀漢接人擬玉壺潛草是玄經助歌
後白雪添洲前芳方杜若結佩可無嫌

初發豫章初泊有懷故人

野泊依河岸蕭蕭思不禁潭星寒並舸江火暗歸林鐘出前山寺風
傳小市砧親知增感結無寐豈鄉心

集少玄宋侯第同汪惟一山人孔陽宗侯對菊得名字

設醴存芳事誰能意不傾風煙移翰墨薜蘿擬簪纓曲勝堪驚代花
奇不辯名雍容賢地主卓矣漢東平

別懋功文甫

浦口蒲帆挂愁難倩酒傾傷心論後會揮淚忍孤征迭蕩堪鄂社飛
騰即漢京故林歸獨倚其奈鳥嚶

懋功招集覽勝樓同飲經年羅敬叔

城帶飛樓迴壺觴感故情山寒衝日紫沙白暎江清楚雪篇之細巫
雲片之輕驚心傷舊別握手話燕京

同唐張二別駕登望江樓得江字

天連蠻塞潤才子借為邦地險疑三峽城孤枕二江風煙秋懋客星
斗夜垂牕莫怪忘歸暮懸珠照乘雙

書事

過嶺兮炎徼江晴少雁飛入冬無露色為客尚春衣柳不經霜斷花
猶抱日菲久將人事卜翻恐歲華非

寄王樂仲使君

淹留為客久鄉路萬山重
媿我歸非雁憐君卧似龍
艸芳林照藥苔
靜徑隨松待得相携處
羲皇何日逢

寒林

蕭颯傍寒林
羈人思不禁
斷雲將雨薄
落日暎江深
欲抱廉生壁
誰誇陸賈金
南風帆影外
無處不鄉心

容膝軒為喻邦相賦 三首

塵聲林外絕
天籟靜中聞
僻豈軒車傲
閒應宇宙分
醜虛偏愛月
棟小亦棲雲
壁上懸孤劍
流光射斗文

碧帶澄江入
青分別岫來
懷春人寄艸
謝客雨封苔
絃上心千古
毫端思九垓
誰言庭戶裏
不自有蓬萊

門靜花分徑
道遙且蠹魚
隘無旋馬地
深有卧龍居
託思風雲上
藏神枕簟餘
江湖兼魏闕
徒倚意何如

戀

留別唐惟良別駕二首

殘年催別思誰耐不凄然地接瀟湘僻人過屈賈賢
冰心消瘴癘春意入蘭荃縱目河山邈梅花句可傳

戀

帆懸東逝水其奈故人何歲事關兒女鄉心憐薜蘿
醉非緣別酒愁不耐離歌泣盡關山月淒涼傍客多

留別張西津孝廉

凌南山水地詞賦擅張衡躡躍風雲暮珠含海日明
材能輕列國價擬車連城黛色橫天半崆峒為瀛清

西津題贈張孝廉

城曲江如帶幽居市不侵似將才浩蕩兼共意清深
浴日超江海浮天自古今夕陽傍吟眺無限濟川心

贈梁彥國司李

把袂難成別，離觴濁玉壺。星邊占寶斂，海上泣驪珠。有署曾名寃，不用蒲浮沉。君莫訝白雪，調元孤

贈張節伯

孺子祠邊宅，蓬蒿一徑分。孤雲元不繫，野鶴自離羣。心事存箕穎，生涯藉典墳。寂寥高士榻，千載憶陳君。

舟雪

朔風寒射骨，戢棹冷江津。雲密非將雨，花繁不作春。歌慚和郢日，賦憶遊梁人。遠道蒿萊婦，應憐客路貧。

寄曹子念

草屋曾懸榻，幽期隔歲孤。力負堪猷畝，寄跡壑江湖。門字慚題鳳，絨書感贈珠。梅花清月際，憶爾夢孤蘆。

壽胡應列

養禾作餐

高枕無塵事青山七十春地將盤谷隱心共上皇淳駐世餐靈藥忘
機養谷神種未梅高樹自足歲寒人

丘義瑞過草堂却贈

白髮任浮沉垂簾道自深乾坤雙短屐山水一孤琴散蔗存文味烹
葵見野心却酤聊可醉君莫問囊金

初秋過暘湖庄因寄叅知主人

似共漁郎入桃源舊水瀆泉聲添宿雨松色冷秋雲鳥狎人俱下花
繁跡不分好將車馬跡來就鹿麋羣

漱水得 仲仁楚中書并新刻却寄

漱水春鴻度遙將楚澤音有歌皆白雪無字不黃金歲月緣愁過江
山與溪深休論燕市筑飄泊奈同心

曉泛

湖景餘情曠飄然一短蓬薄煙寒水上殘月曙霞中網集漁家市鐘
未釋子宮如花林樹色葉鬪霜紅

登梅頭岡望海

危岡孤騁望漠漠海雲平郭抱羣山色潮侵亂石聲張燈墟競市吹
角寨休兵却憶烽煙地安居荷理明

病懷

一入中林卧無機懶是真蕨薇延上客松竹締芳隣白石深耕地青
山獨賞人日惟纏藥餌天心如清貧

夏日山居

一室松成蓋幽深減鬱蒸有方探辟穀無着味傳燈竹聽清皆玉泉
分列是水遊仙心浩蕩時與夢飛騰

夜泊吳江

日暮孤舟遠鄉心怯歲除川明積雪後燈暗落帆餘飄泊羞懷刺風塵懶上書勞生竟何益且欲近吾廬

觀音閣

古寺夕陽邊憑墟思渺狀江聲猶楚恨山色自吳年宿鳥迴青磬孤舟逗野煙長廊燈影寐徐步禮金仙

再至京口有懷金焦舊遊

層城舒遠目迢遞送歸鴻歲月更新曆江山憶舊蹤鐘聲春浪靜燈影暮流空塊有東林約無因問遠公

折楊柳

勞

朔氣凝邊塞春光到玉關如何看柳色不是遠人還弱態風枝瘦啼粧露葉斑翩：花歷亂愁思不堪攀

息園卧病

梧竹森庭砌寒聲入夜頻
疎鐘遙帶雨孤鶴靜依人
滄海家何在青山舊業貧
浮生本無際聊得任閒身

漂水道中

嗟墟

穿落貪奇賞長遊未敢曉
墟煙分井落雲樹隔京華
返照明高岸寒流出淺沙
猿深卷大燈火近山家

湖上曲

寂寞那孤亭煙波入望深
霜清紅樹色日淡碧湖陰
水石諧幽興雲鴻寄遠心
林扉歸漸暝悵矢對瑤琴

登任城太白酒樓

古堞危樓在伊人不可求
樹連秦苑夕月帶夜郎秋
慷慨能高世飄零總勝遊
况欄無限思極目暮雲愁

陳居易宛見盤荷

居易
居易一本作易

一作
居易

孟公投轄地未復得春多
玉井移芳卉澹江借綠波
新款疑越女艷曲想吳歌
無限耶溪興臨風奈爾何

湖上閑居

盡日碧湖頭年光惜去流
懷人書短札憤世記長遊
白鳥窺幽性青山伴獨愁
歎琴聊自拭羞遣暗塵留

春日冶城同湯納言金黃二山人燕眺

敞席臨仙界亭泉出萬家
歌聲三市酒春色五陵花
逸思凌飛鳥清言落晚霞
歸軒且莫問天外月初華

清明日息園宴集留別黃士雅

池館閑春寒離杯惜共傳
庭花含宿雨隣火變新燭
玄髮干戈換黃金世跡偏
池山有飛夢長繞伯牙絃

阮華山黃淳甫史林戴張仲壺諸君餞余於玄芝館得無字留別

未遂買山圖春風惜去吳君應憐遠客余解慎長途綠酒深情在青
山別恨賦孤重雲千里隔腸斷雁聲無

答山人

書作

聞君滄海釣已斷羨魚心黃屋書空近返白雲門自深玄成揚子業貧
却管寧金幾度澄江月遙思綠綺琴

初發姑蘇夜泊虎丘懷黃淳甫

扁舟依市泊平野望初昏古寺青山郭孤燈遠樹村同心一以間幽
寐更難言却憾疎鐘夜能銷客子魂

寄王叔楚山人

端居無所事幽寐閉空林落日誰相問孤雲未可尋春歸滄海上夢
渡滌江陰無奈看花處傷偏寄遠心

秋日再至息園

一作作寄王山人
叔楚

窈窕青谿上風煙晝不譁
平津新第宅江令舊繁華
性拙身為累情深容似家
芳樽今夕語傾倒對秋花

秋懷

空庭人跡靜落葉滿荒園
獨斂夷門淚難招楚客魂
淒涼依短劔慷慨對青樽
未吐酬知意浮生詎敢言

江行有懷社中諸友

扁舟投落日遙夜楚江隅
月上寒潮靜燈依野岸孤
馳驅悲斷雁牢落媿棲烏
一灑并州淚東流入舊都

夜坐懷友

愁思獨凭欄天涯歲欲殘
城笳清夜月漁火落寒灘
鴻雁難傳字風霜強力食
同心離隔久歸夢滿長安

歲暮泛彭蠡

曠望極平川，遙心自黯然。
空煙疑有地，遠浪不分天。
暮色孤帆外，寒聲落雁邊。
年催長路客，歸思倍堪憐。

同洪從周榮季通沈箕仲集陳玉林廷尉宅

城闕霜林暮，疎鐘玉署幽。
烽煙雖此會，負賤豈深愁。
對酒春先入，論詩月共留。
清歌將短福，同醉庾公樓。

月下有懷同沈太史李環衛賦

城闕暮寒侵，蕭蕭月滿林。
關山孤客夢，江漢故人心。
庭樹頻驚鶴，簾風急度砧。
坐深宮漏永，惆悵對瑤琴。

南池懷古

清曠留遺勝，城隅映綠波。
霽煙深古樹，秋色淡衰荷。
白雪前賢寄，青山野客過。
臨風增悵惘，把酒酌寒莎。

歐頑伯郡博過旅舍

白雪懷高調風塵十載餘
喜茲成聚首因得慰離居
適意如鵬鷖窮途感鮒魚
知君官獨冷多得校奇書

舟中懷李維寅公子

明月長河曲離心自渺然
難將歧路語遙寄信凌賢
短劍留雄氣新詩憶上禪
相思魂夢屢隨雁度江煙

至前二日同柏山人過天池上人房訪維寅公子得過字

香林連帝苑幽坐白雲多
自詫形骸幻真憐歲月訛
玄言銷夜寐酒意動陽和
况結支公社招尋豈厭過

旅夜懷人

十年丘壑卧暫爾出雲林
已抱長策計難忘烈士心
黃金身外遠芳艸意中深
獨寤長安夜憂思託素琴

同張仲翰夜集李琢衛宅

花月鬪清妍投歡促夜筵醉留雲外跡歌愛郢中篇俠思聊停缺春
情暗入絃良宵難再得况復對高賢

雨中柬王元美敬美

雨坐重門靜思君隔暮林閒闌為客地辛苦上書心白日無私照青
山自陸沉天波方浩渺應向泣珠深

洪光寺

逕仄雲俱濕山危寺轉孤泉聲迴斷石牕影豁平湖藜杖閒堪寄荷
衣老自娛禪心我獨倚天地入空無

玉泉

山拔崑崙勢泉生渤海源迸珠分地脈漱石冷雲根澤借靈池注波
從太液翻澄清東逝色千古自潺湲

功德寺牡丹

降一本作供

山抱空王宅春留洛苑花却憐天女降一作供翻作上林誇色似迎雕輦陰
猶想翠華宣皇曾駐蹕臺殿五雲車

真覺寺

到寺林初豁天清塔挂雲帝城猶咫尺山色自氤氳鳥下經臺夕花
垂給樹苔高齋餘山月我款卧為羣

再遊碧雲寺

紺殿臨丹壑梅檀古樹春雲窺孤倚客花識舊遊人削壁泉經砌飛
梁地隔塵黃金曾可布聞鑿豈無神

九日靜海舟中送朱海峰櫬還金陵

一本送上有時字

客路逢佳節傷心傍鹿車雲山空有淚籬菊豈無花慘日翻孤旆悲
風入暮笳萸觴誰共對聊一酌江沙

舟中哭朱海峰二首

落日長河曲西風萬木哀誰知金馬侍翻作素車回海嶽銷真氣乾坤失大材只應颺馭往朝夕向蓬萊

旅食悲妻子孤裝執轡行諾曾然夙昔心豈隔幽明角傍寒城語濤兼夜雨聲聞關千里道君見死生情

管建初芳草齋

薜荔開幽徑高齋剩得春隱堪依日月衣不化風塵蘭杜心常寄琴書計未貧乾坤真莽蕩偏自屬沈淪

送袁文谷令黃巖

定有神明治絃歌接永嘉堂開滄海日花帶赤城霞蛟蜃雲千島桑麻雨嘉禾懸知山水色得爾倍增華

黃河阻風

頗恠魚龍狎經旬宿霧中愁將歧路泣灑向石尤風海色瀟平野濤

播一作籟

聲播遠空艱難看鬢髮斑白為飄蓬

丘謙之許部吾兼亭四首

天馬無前足誰能策牘稽世情高枕外山色捲簾西水或疑濠濮花
應似浣溪幽心真戀此歸不厭雞栖

跌宕司農省浮沈亦歲星從來金馬直不隔艸堂靈坐內餘冰雪毫
端盡杳冥種成芳艸色朝夕向人青

亭孤絕垢氛花隔吏人羣意自滄洲得名堪漢柱聞庭陰分苑樹窻
影下城雲寐寔從吾好閒成客難文

先朝華髮彥蘭艸舊遺芳賦雪音猶在停雲意不忘風塵孤闕徑歲
月共為郎力自驅前哲爭留日月光

曲池草堂和韻六首為項思堯賦

池臨滄海勝門向謝山偏養晦非忘世銷年只尚立松寒延月蚤花

祇

艷得春先且漫論高卧知君在呂虔

水傍青山曲花臨碧檻新煙霞長覆榻松桂自為隣清曠寧苗俗道
遙可寄神搏風看六翮未許戀沈淪

卜地依南市煩囂晝不聞月將鯨海吐雲得雁峰分砌雨瓊枝潤林
春蕙艸芬機雲情最篤蕭散一論文

波光連雁沼山色帶吹臺自與幽心契寧論濁世猜榻緣高士下酒
為故人開我抱山陰興尋君夜不廻

樹抱江城綠蘭芳近市園山川歸大雅天地入高言草暗惟三徑花
深自一村無心隨出處閒共白雲論

身外浮雲薄圖書富鄴侯矢心原向日作賦豈悲秋山水怡高調鶯
花託醉游天池行且連聊爾狎沙鷗

題項豹章半華書屋二首

城上山藏屋，芝峯翠獨分。
石標仙掌麗，草合謝池芬。
海色晴搖樹，江聲暮激雲。
無枝欲飄泊，棲息轉思君。

亭榭臨江郭，千峰野望虛。
路非人境隔，山足洞天餘。
花竹紆分逕，雲煙竄護書。
游心無不可，清絕子雲居。

舟中同陳汝立朱在明夜酌時陳歸江陰朱使長沙

逝水東馳海，飛帆復挂雲。
寧知樽酒共，翻作路歧分。
江廟延陵碣，湘潭屈子文。
相思如可寄，豈少雁鴻羣。

吳孝廉夢竹庵

風木情難寄，煙霜夢獨深。
不緣素粲賞，猶是孟宗心。
月暗湘江曲，雲寒渭水陰。
向來枝上點，曾作淚沾襟。

題王氏心遠樓

樓上時堪立，鶯花六代留。
天垂江漢濶，山入洞庭幽。
閱世尊中樂，藏

名卧裏遊莫論鄉國異何處不虛舟



温州市图书馆

WENZHOU LIBRARY

五

三雁山人詩集下卷

七言律詩

九日同沈比部王司馬祝趙二山人集李維寅宅分得臺字

徙倚危闌望日開
玉壺携酒醉仙臺
霜邊錦樹寒相麗
廓外清砧暮轉哀
郢雪誰將瑤瑟寄
籬花不待白衣來
悲悽明歲茲遊日
相憶秋山隔艸萊

冬日王司馬唐比部携酒過余薜蘿館分得秋字


荒亭高卧白雲幽
三徑慚君並馬遊
玉笋似分仙掌露
黃花不冷帝京秋
琴書密坐疑星聚
鐘漏頻催傍月愁
倘念林扉塵土外
相過重為薜蘿留

秋夜同黃九昭朱汝脩二山人馮開之李長倩二進士集李維

寅白雪山房得羣字

黃花無恙玉尊清
海內新知此夜并
燈簇瓊枝秋並麗
煙浮仙掌月

東區唐經理裕卿父著



温州市图书馆

WENZHOU LIBRARY

孤明荷衣未老青山色彩筆爭高白雪名細語何妨宵已盡天涯難
得是同羣

送弘上人還金陵

飄然飛錫下皇都淮海迤邐問折蘆花覆金田初地密江涵雪浪舊
山孤三乘有託歸龍象五善難明視忌芻我亦風塵逃世者一燈知
肯示迷途

金臺懷古

高臺風急影蕭蕭十載長安短髮凋白壁幾人逢趙孝黃金此地憶
燕昭霜會落日龍沙靜艸蔓荒原駿骨銷莫問談天人已盡雲中碣
石自朝朝

送司武選奉使還荊州

山川雄勝古荊州驛路千花照錦裘負弩競親司馬節揮毫重上仲

丁未年奉使二
字

宣樓牕中雨色來
巫峽閣外江聲繞
帝丘總是故園春
可戀莫忘鳴
珮鳳池頭

送熊內翰茂初左遷江右間幕

烈：寒風撼北林
清尊臨路意難禁
青山似帶離居色
白日俱含烈士心
却憶然藜曾夜閣
莫令捐佩遂江潯
今飛愁把雙龍劍
萬里頻瞻斗氣深

呈外兄王衡叔

故山猿鶴怨歸遲
節序驚心轉自悲
五畝未營江上業
千莖空長鏡中絲
梅花入夢春生榻
竹葉消寒色映卮
教盡素衣京路裏
風塵垂老竟難緇

集白雪齋喜黎惟敏至今得寒字

握手燈前醉復歎
卮杯猶作夢中看
舊遊蓬藿分何易
遠道鴻魚到

返

自難滄海可容畊，叟拙陽春不近髻。
毛殘奇君家，倚鮫人室，携得驪珠照坐寒。

寄卓誠甫

花壓壚頭醉醪醑，別來蹤跡媿浮萍。
側身天地誰龍卧，作客江湖似歲星。
著就玄經珠字，種成春樹玉亭。
山陰風雪思迴棹，惆悵群峰送客青。

夜過郭觀察邸舍以詩見遺賦此奉答

時郭以夔州入覲新遷楚中

慷慨燈前拭佩刀，風煙遙望蜀山高。
丹心孤照蓬萊日，彩筆長驅灑灑瀨。
濤法曜即從辰極徙，陽春堪向郢人操。
誰知今日醇醪醉添作，關河憶夢勞。

諸君過余薜蘿館分得家字

春寒未放上林花，詞客相尋興亦嘉。
豈謂蓬萊非蔣徑，敢云蘭菊是

温州府圖書館藏

WENZHOU LIBRARY

羅家山疑入坐青還滴鳥解窺人巧自誇翻笑風塵車馬際能將薜
薜駐煙霞

同胡元瑞過訪文甫得開字

風雲劍合自奇哉重上黃金舊築臺千里駢騶看並躍萬言鸚鵡羨
新裁江山老寄春雙屐京國塵銷酒一盃易失難逢知己會愁心那
不為君開

寄丘謙之太守

客愁忽雨經春漲海蒼茫夢未真洒淚北風寒墮雁側身西日暮
愁人青山有鳳城雲麗白髮無魚客路負珍重八行天萬里斷腸茲
日戀丰神

送袁文谷還黃巖

都亭新柳挂春煙丹翫雙鳧下日邊踏入興公題賦地名高漢主賜

霞明疑當作明霞
似未作製
心未作身

今年晴山夾坐霞
明暎露月窺簾碧
海懸萬樹桃花紅
似錦開心羸羸
得試朱絃

送朱明府之房縣

尊前握手意無涯
歧路銷魂鬢欲華
春雨王程憐艸色
暮雲官閣夢梅花
星邊倚劍秦山聳
雪際鳴琴漢水斜
此去各天俱萬里
可能無雁到煙霞

送邑父母劉公還永嘉

雙鳧載御向南天
玉帛如林讓獨賢
劉氏舊恩攀轍在
漢家新澤賜金偏
壺冰映月蒲鞭外
棠樹生春竹馬前
海上眾山青抱郭
萬家桃李聽朱絃

寄戴梧臺太守

封書遙寄楚雲西
目盡天南望歎迷
碧繞城闈章水曲
青銜齋閣大

庾低琴中白雪音稀和夢裡春蘭葉漸齊却憶燕京花月在勝遊何
日得同携

長安曉望

帝城初啟曙煙消爽氣憑高入望遙萬里河山趨上國九重宮闕麗
層霄天浮湛露金莖濕踏繞晴花玉勒驕自笑白頭虫穴卧也將耕
鑿傍神堯

送徐子共方伯

相逢已是十年分星斗中宵入望勤把臂一時誰和雪懷人千古自
停雲能將推轂還續俗不倚談天絕後羣願盼豈無幽谷士由來聽
榻豫章聞

留別李侯維寅

銷魂春艸碧連天憔悴關山別酒前愁自風塵生救褐夢應煙月到

任一本作問

朱旉清標迴照麒麟閣秀語長留海岳篇顯達只今無下士君能不
減信陵賢

留別劉史二衛尉

欲歸翻恠淚痕多貧賤恩深奈別何耕鑿未堪依日月飄零安敢任
風波青雲路隔無春夢白石愁未有夜歌寂寞故林猿鳥伴向人真
歌笑蹉跎

別胡文甫

握手潛然別帝鄉青山相憶夢淒涼帆前碧艸春南國酒畔寒雲暮
北梁肝膽試看孤劍盡江河俱作片言長東歸暖日堪乘興憔悴絲
桐黯自將

別黎秘書惟敬歐國博禎伯二丈

歸將華髮卧菰蘆猶喜看山杖未扶橐內琴書皆長物竹邊雲亦是

新圖交情未敢浮沈隔別淚誰能去任無南海二珠真絕代光懸明月照皇都

別燕京故人二首

京塵傾淚負年光負病從他鬢有霜到處青山皆地主殮耒白石是仙方庭中艸削鉤衣刺籬畔花餘釀酒芳獨奈故人霄漢隔登樓愁絕暮雲蒼

憔悴風塵怨別離十年真媿北山移時情一任魚腸按歲計堪憑鳥粒遺天地側身無坦道江湖高卧有明時中林猿鶴能相過不向桃花問路歧

別胡元瑞

故人分手最傷心洒淚非關鮑林金匣劍今知龍易合緘書應佐鶴難尋無論金馬堪栖遁却愛青山自古今一片甌江清夜雪相思不

陽剡溪深

臨發同胡文甫殷無美胡元瑞彭穉脩朱汝脩

集李維寅白雪齋分得霜字

無言握手淚沾裳青鏡春浮兩鬢霜愁色風雲辭碣石歸期煙月伴
滄浪毫端業豈當年盡筑畔情難此夜忘別後和歌應自愛莫令諸
少問行藏

同胡文甫元瑞舟中作

滌河新水照綸巾花拂高帆萬樹春天地一舟惟李郭星辰千古自
荀陳青雲不藉名猶大彩筆相隨路未貧尊酒放歌明月在清光茲
夕倍宜人

天津閣望海二首

閣上憑凌意渺然冰壺孤坐轉清妍靈居玉色虛無映若木珠光縹
緲懸雲黑蛟龍深卧窟風橫鶴鶴勁摩天秋期倘著浮槎去欲問支

機向日邊

坐引清尊碣石濱鏡中日月淨飛塵越裳不問天南負靈藥猶傳島
上春萬里一竿客客曜十年勺水困波臣乾坤浩蕩身堪寄散髮長
歌意自真

匡山讀書處為胡文甫賦

迴合千峯翠不如傍檐星斗映圖書門深楊柳陶潛後社近蓮花惠
遠餘春霧入簾藏豹日山雲抱榻卧龍居亦知舒卷元無定且向乾
坤學蠹魚

感懷呈胡文甫元端

諧俗無能老自窮真憐肝膽片言中泣緣失路心能折愁不干時賦
轉工化日有天榮槁木高雲茲日信冥鴻蒼山碧水餘春事莫謂巢
由計未同

宿有靈隱之約晨起為風雨所阻移酌施氏四宜園

平陸俄然走急湍黑雲黯_連覆江干翻盆縱是游難勝移酌猶能興
未闌花暎芳樽催客醉峰_連高樹傍人寒風塵我輩无丘壑不信山

靈如鷗冠

東歸呈王陽德觀察

百事蹉跎老未成顛毛空向鏡中明薄遊莫採饑寒色高卧堪移恹
澹情藜杖有春三徑曲釣絲無恙五湖平真憐未得酬恩去匣内雙
龍亦自鳴

舟中贈葉茂長

相逢自覺寸心驚為學為農共未成短髮漸消湖海氣窮交爭比路
人情翻飛無翼慚高鳥離合難期媿轉萍白首滄洲吾道在莫言努
力是浮名

容與樓對月

一丘曲折踞千重
楚曲吳歌信短筇
林色清翻當戶月
濤聲寒帶隔江鐘
穿池冷借岷山雪
種樹青移岱嶽松
醉踏冰壺天地濶
興來吾欲跨游龍

十九夜孤山對月留別朱在明

足練光浮古石丘
崔巍高壓海門秋
翻悲星月飛觴地
都作關河把袂愁
祇樹煙霜銷白馬
蓬山樓閣借蒼虬
知君高卧無他事
隔斷人間是碧流

壽錢叔寶徵君

梁鴻千載共清光
蘭佩荷裳老自芳
白璧祇今全晚暮
青松能不傲風霜
花間闕徑曾吳苑
戶外迴車止鄭鄉
莫謂伐檀齋似磬
彩毫猶足代耕桑

煙霜
霜煙
作

吳門逢吳孝甫

握手天涯問釣磯，別情歸思兩依依。
年華共老芙蓉劍，生事孤憐薜荔衣。
雁外清砧候坐急，霜邊殘葉傍愁飛。
十年岐路懷君意，一入青山會轉稀。

集侯師之園亭

冬日中林氣，獨暄寒花錦石地。
幽偏城波淨，帶江鷗入山色。
孤凌澹樹懸，朋舊此生逢。
未數關河他日夢，頻牽清尊莫作尋常醉。
斷雁殘魚路，十千塔。

七夕聞侯方伯雅集羣彦賦此奉寄

病起秋生苾葛輕，故園風物正淒清。
疎砧亦動關山思，濁酒難消節序情。
坐向銀河懸不隔，意中瑤瑟聽如鳴。
庾樓高會羣賢集，授簡俱傳作賦名。

宿能仁寺候觀察吳公不至

海上靈區亦故丘，白頭新媿裏糧遊。
湖標鴻雁孤侵漢，山削芙蓉別帶秋。
深谷未銷龍樹色，殘碑猶卓梵天愁。
空林日暮歸雲度，片石誰將節使游。

入雁山

碧海微茫萬壑趨，乾坤茲地信名區。
天如遍削峰如玉，春故長留樹樹珠。
屐底秋深花轉媚，杖前山盡跡還紆。
冷然即御晨風翼，飛涉蓬瀛恐未殊。

靈巖同吳兵使作

崔巍中劃路，逶迤濟勝無勞短策支。
絕壁似撐天，歎墜孤雲如訝客。
來遲屏開九疊仍高卓，玉立千尋恐倒垂。
飛節有霜消濁霧，靈竒多儂使君惟。

瀑布

谷轉峯迴路有無
四山蒼翠入清都
懸崖噴瀑寒相濺
半壁栖霞鳥自孤
風捲晴光翻玉竦
日銜清影散冰壺
窮源我欲乘秋去
一借仙人九節扶

東西林王樂仲使君

重林垂綠浸柴扉
靜掩空齋客到稀
澗石高堪支作枕
池荷淨得製為衣
閒中碧艸隨麋鹿
病後青山長蕨薇
門外一川東海接
可能雙着釣魚磯

黃河夜泊

燕雲朔雪踞千重
飛藿關河歲暮蹤
日落帆檣隨雁鷺
夜寒衾枕傍魚龍
鄉書寂寞天涯淚
客鬢蕭騷鏡裡容
斷岸蒹葭雨風急
一燈孤影聽疎鐘

山中春懷八首

背郭茆堂亦自誇，扁舟來去似星槎。
青搖碧竇村中竹，紅夾春流岸上花。
畎畝歲成皆玉粒，巖巒雲濕盡瑤華。
翻嫌當日桃源路，却向漁郎問轉縣。

峰環水曲草堂幽，敢謂逃堯似許由。
老得雲山供傲睨，倦從蘿薜寄遨遊。
禽知愛客頻窺戶，花解憐春故近樓。
半榻沈酣天地濶，風波歧路不關愁。

二月郊原景獨饒，桃花臨路柳垂橋。
春衣盡典忙須醉，彩筆孤吟黯自驕。
樂事轉因負後得，華年爭肯暗中消。
深交最是青山色，日望蒼間不待招。

一作洒淚

洒蕭蕭濕蒹葭，深情真憶信陵遊。
天長雁隔三年字，艸碧春含萬里愁。
事去黃金空駿市，興來白雪照龍樓。
青山獨立蒼苔暮，北望傷

一作洒淚

心傍斗牛

一時諸子散皇都，不問浮沈盡五湖。
皂蓋豈關千載業，黃金誰得萬年圖。
輿前郢曲匡山秀，夢裡春愁漲海孤。
舊事莫教零落甚，畫好將書札慰潛夫。

四海雲萍二十年，故山猿鶴意相捐。
才非寶劍張華識，恩切綈袍范叔憐。
已向素心分白社，肯將華髮廢朱絃。
澄湖一片牕間碧，不厭朝來理釣船。

庭雨蕭蕭草一區，壁徒回立笑為儒客。
來一任門題鳳，身賤寧論握有珠。
薜蘿尚堪供野服，蕨薇猶不匱山厨。
衡茅亦是高栖地，兀坐中林咏白駒。

春園灌罷意悠然，孤雲倚杖前。
却愛桑榆深故里，轉傷塵土誤流年。
卜鄰靜傍山中石，尚友閒尋架上編。
老得一丘堪此卧，不將肝

膽向人憐

雨坐

聽殘春雨閉柴扉榻上閒雲晝不飛傲骨未銷松柏志幽情爭_遣歎
荷衣鬢後飄泊千絲短天與疎愚萬事稀世路莫論今九折華年終
屬釣魚磯

贈高安陽

郡邑孤懸海溼中鳧飛時向大明宮雲封畫閣彈琴暇花壓春城製
錦工潤物每沾西嶽雨鳴條不起灌壇風循良舊是君家業樹：棠
陰越嶠東

謝王陽德叅知惠穀

突寒高卧白雲鄉春色那從短札將一飽未緣顏氏帖恒饑偏乞謝
家梁中林餉得玄山味南國分來赤櫃香歌罷伐檀翻自笑長河堪

塞意難償

武

秋夜同諸君子集司城選新居

武

僂郎卜舍帝城陰
醉客能拚賞酒金
花竹臨階秋轉媚
星河垂榻夜俱沈
頻驚飄泊窺黃髮
敢謂過從見素心
翻出朱絲皆絕調
教人難和郢中音

一作作絃

答汪子建

徑無車馬自蕭蕭
澤國烟花彩筆驕
書劍寄身梅福市
薜蘿垂戶伯通橋
琴中白雪娛高枕
湖上春衫載小舟
余亦浮雲能不繫
逃名何必桂叢招

摩雲頂對雪

畏

絕頂高寒晚未回
敕裘不是朔風催
二儀混合銀濤湧
萬堞依微玉樹迴
臘意轉妨禁岸柳
春情先到江梅茲
遊歆並梁園勝概
管慚

畏

非作賦才

送洪從周還秣陵二首

歲暮天涯別思深
關河風雪倍沾襟
川魚雲鳥當年事
騎屨著簪國士心
浪跡遠知堪白髮
啣思何必是黃金
飄零十載夷門任
君自歎生一古今

萬里寒江抱石頭
青溪吾亦戀并州
梅花入夢春風白
桃葉傷心夜月舟
山自千峰新玉氣
人猶六代舊風流
相逢倘值交知問
突兀年來尚鹿裘

冬日同童子鳴過顧仲長惠山別業

勝絕誰將鹿苑分
雪殘藤竹自芳芬
幽期日傍花源入
清梵時和石瀨聞
屋上雙峰全抱郭
閣中孤榻半栖雲
賦歸天地窺高枕
千載華陽復見君

寄陳玉叔學憲

絳帳春馳擁俊髦使星高照蜀峰高
 琴歌冷暎岷山雪賦筆雄翻灑
 瀨濤攬秀風雲扶蠟屐懷人書札問
 綈袍相思可奈雲中客薜蘿深
 居夢益勞

龍興寺對月懷故山二首

徑裏歸雲漸歛平獨行風物最宜情
 秋將城柝聲俱斷月與禪林色
 倍清江漢儘堪容散髮薜蘿元不繫
 浮名山中猿鶴應相待知向西
 岳此夜鳴

長鈇羞將出舊谿關河三月雁書遲
 歌邊白髮愁看鏡夢裡青山憶
 杖藜一涉風波皆畏路但歸薜蘿是
 安栖恒饑亦慣妻孥色消得乾
 坤絕鼓鼙

淮南書事

溫州圖書館藏

蔓艸連天野色虛高城孤望轉躊躇遺榮何氏分金後好事誰家設
醴餘秋思豈堪江上笛遂仙遊空問枕中書故林亦有婆娑桂不向淮
南賦卜居

贈宋淮安

漢柱風流起盛名一麾江海借專城才將寶劍紛紜釋心與冰壺日
夜清下邑舊遺棠樹在高墉今識鳳皇鳴堯年為急民昏墊拯溺翻
違卧治情

寄李雲坡光祿大卿

偃蹇三朝直諫名漢廷禮樂舊儀型人從凜慄思冬日天豈風雲光
歲星雲月靜窺滄海碧乾坤孤立岱山青三年深作於陵住北望長
懷夜雪舸

贈明上人

真源遙自溯曹溪萬里名山一杖躋心印不將文字立慧燈常照却
塵迷開林地有黃金布問法經後白馬携垂左江湖吾道左移筇那
得傍招提

寄胡文甫

一入青山跡遂分浮沉無計卧江濱
蘿軒自掩愁中月章浦誰停別
後雲尺素關心看雁過悲歌垂首傍
猿聞三年不聽燕臺筑款話肝
腸淚已紛

瓜州逢子及民部

蓬君何意楚江湄骨自清冰格自奇
霄漢豈堪卑鳳翼世人應只妒
蛾眉風波且莫論疎遠詞賦由来有
路歧去矣清歌能絕代黃金不
向畫工遺

寄邑父母劉公

一在子及上有
方字
清冰似石作冰清

得歸蘿薜卧餘年
邑有神君澤自偏
下榻故能榮賤士
鳴琴真不愧
前賢春生暖律城
花映秋淨水壺海
月懸廊廟只今思
佐理攀轅無
計一潸然

答匡南斗尉

老去詞場氣益揚
南州蒼白舊稱良
驥孤歷塊元龍種
才若干雲必
豫章往裏竹將淇
澳借池頭樂似洞
庭張同遊六有應
劉輩不負西
園月下觴

別胡文甫

青衫對濕泪千行
豈謂陽關是一觴
晤處轉悲同夢寐
歌未誰不是
肝腸槎將星斗溢
江曲河抱京華碣
石長萬里此身須
努力青雲莫
道盡飛揚

贈夢岡

一作作闕

一作闕

一德相傳有世恩
衮衣山藻意非存
聲華轉向詞林藉
寵錫非緣祿位
尊神劍故應依
北極玄珠原自照
靈淵千秋執轡真
賢事款報所
賜未敢言

贈宗良

吟成梁父送飛鴻
今古悲涼抱膝中
氣結風雲難自試
心將葵藿竟誰通
簷分雨露高天逼
牕映波濤大澤空
朱郎卧遊多絕調
祇應廬嶽冠爭雄

依隱亭為孔陽宗侯賦

朱門何意接瀟湘
徑轉蒼雲世澤長
隱業晝深分地肺
墨林春發自天章
音諧琴瑟蕭蕭玉
粉落尊壘細香
春艸白雲長在望
超然能不貴冠裳

贈魏父佳父二侯

京國清時羨二賢
凌雲逸氣故翩翩
草多謝守春風夢
隱續淮王桂樹篇
韶濩並將天樂奏
莫邪兼作斗光懸
十年蹤跡遙相憶
無限深情對酒前

同方仲美江惟一湯義林集宗吉二侯宅得如字

朱第翻成隱士居
秋花分色暎圖書
林疑松散鳴琴後
人亦平臺榻管餘
清月靜分高士榻
羣星低傍野人裾
過遊羨爾陳思輩
應恐梁園樂未如

與楊懋功太守

千秋事業竟誰誇
解綬多君鬢未華
白社自懸高士榻
青門不少故侯瓜
燕山別後餘長鏡
菡萏年來擅大家
天地側身堪涕淚
傷心沾洒向龍沙

集魏文佳父二侯宅喜喻明府至

遊託南皮意自親尊前風雅丰詞臣山如招隱業生桂花若憐秋冷
傍人霜月喜將投轄意江蘿愁對賜環身無論當日梅花句并作河
陽此後春

江行

幾日飛帆遡逆流江行翻作快心遊白雲不是他鄉物紅葉猶餘故
國秋釣海有緣容作叟醉鄉無分問封侯飄飄坐壓銀濤壯疑若欲
槎犯斗牛

王觀察招集滕王閣同文甫孟孺經李

閣上張筵俯碧湍憐君不賤鷗為冠江山老傍飄零得天地深從意
氣看雁急秋聲遙帶雨楓搖丹色暮生寒雲萍難集諸才老須竭南
樓此夜歡

送戴梧臺入覲

閭闔天高散紫氣萬方玉帛正紛紜久將葵藿堪傾日一說猶良總
讓君郭外甘棠今作蔭城頭神雀下成羣三年仁愛如春色散作梅
花嶺上芬

贈唐惟良比部

相逢翻作淚沾襟歧路那從別後深流水自將絲內曲白雲空憶署
中心江寒蘭杜春愁結鏡落銀霜鬢色侵今日漢廷君自見遷來猶
不到湘陰

寄沈純父

聞君遠戍瘴江南雁斷衡陽字一函叱馭應知非棹徑積薪元不是
迂談疏中鐵石心長見嶺外風雲氣獨舍萬死亦皆臣子分莫將詞
賦怨湘潭

寄王陽德泰知

談塵何能一日分尺書無計雁空聞遺金道在寧榮更舉火家貧時
晏若未必煙波忘把釣却憐猿鶴請移文東歸一片青山夢時結陽
湖嶺上雲

寄興化陸太守

溪柱當年表異能一麾猶未盡飛騰風猷華省誰著鏡符竹闕城亦
股肱海色春深高玉樹瘴雲月冷照壺冰藤蘿久卧關河隔北雁南
鴻意不勝

初至贛州有人談此中山瘴為虐戲呈唐惟良郡伯

久坐中林下夕陽風迴殘葉亂淒涼情蹇夜雪孤移棹夢結梅花一
裏程地挾江流雙練碧山環郡郭萬峯蒼閒身未必投魑魅那得遠
遊是瘴鄉

同唐別駕梁司理招集池上亭得君字

十月霜林萬葉紛相親雙樹玉氤氳同聲莫作投沙歎獨醒誰寧對
酒醪勝在地非金谷借歡來池向習家分清光別後還相憶夜關
河月似君

再送戴太守

如君治行照當時父老爭懸借寇思立傍凌霄仙仗列沾來湛露帝
恩私春霖好賦金鄉望竹馬無忘美襍期最是客心元不繫也因
廐重臨歧

送黎惟敬秘書遠北

莫恠飛鴻不寄音年來嬾病兩俱深黃金市駿終誰得靈藥騎羊好
自尋割肉久知方朔隱連斤真擅郢人心羅浮片石惟相借款就梅
花一鼓琴

冬日遊通天巖二首

山脊逶迤徑若剝懸罔如鐵境非凡仙臺自是天孤削禪室如將石
半銜宿莽不迷遊子跡飛雲猶戀隱居巖清猿似識裴徊意長嘯窺
人挂碧杉

絕壁天垂石竇虛空冥深作化人居苔巖似護曾題姓雲峽如函舊
著書勝憶地分三竺剝險知山鑿五丁餘由來述作推陶謝耐不朝
來一命車

同黎惟敬唐惟長集鬱臺得奇字

星聚真憐此會奇可堪臨眺轉淒其風飄城柝聲難定月挂空林影
漸移天外參商看有泪意中山水聽無期羊城歸客處南史好寄梅
花慰別離

贈張行甫別駕

鬱孤寒色照瑤瑤却憶神交十載餘
慕火舊燃劉白閣棠陰曾覆召

公車曷時轉自成孤憤忠國翻今有譴居歲暮不堪江上別關河迴
首意何如

靈峯洞

峭壁摩空勢欲摧誰將混沌鑿瑤臺闌前五老寒相並酒畔雙鸞舞
若迴玉乳定應天上注祇林翻白石中開丹梯萬尺憑陵易却訝風
雲足下來

太樸園為沈光祿賦

名園清傍太湖開古木垂陰覆夜臺地蒸白雲秋不斷池春芳艸白
蘋裁移舟踏豈桃花引招隱人歌桂樹來亦是東山高卧處婆娑聊
與棟梁材

朱在明鴻臚自泰山入都下過宿艸堂

星漢悠々夜款徂相看魂夢羊江湖乾坤自信鷦鷯寄年鬢全銷海

嶽圖塞月低懸金掌靜秋花寒暎卅堂嶽陸沈方朔元無賴堪作傾
囊卧酒壚

元日

紫陌春燈散曉煙鳳皇臺閣五雲鮮冠裳萬國迎三朔日月垂輪麗
九天東向河流歸禹貢北來烽戍靖堯年緇塵未化荷衣色嘯倚松
蘿轉自憐

過釣臺

青山中劃大江沈千載嚴家有故州片石遂能高列土孤雲恍若見
披裘春客雨壓祠宮樹夜色星隨客子舟滄海只今垂釣去含情一
葉渚蘋羞憇

送屠田叔歸養

兩月承恩便乞歸世途如爾見應稀風煙轉羨高黃鵠簪綬誰寧換

彩衣海上白雲移
漢署山中芳艸駐
春暉燕闕越海無窮
緒不隔秋
旻一雁飛

丘謙之招集蔣園喜王敬美初至得衣字

三年空望塞鴻飛
猶自相逢問薜衣
却笑青山歸客晚
真誇白雪和人稀
狂來燕市尊仍滿
別後高陽侶半非
離晤無端堪盡醉
何妨燒燭待朝暉

姚元白陳子野曹懷石葉茂長過訪普德寺後山晚眺

禪樓地遠勞車馬
轉見關河十載心
有繫已非禽尚迹
不彈空似伯牙音
貧堪留客分香積
老媿儒居負竹林
落日青山尊酒畔
遲回無奈帝城陰

登燕子磯

雨過長林翠濕衣
澄江迢遞隱靈扉
濤衝絕壁看疑墮
雲擁危欄思

欵飛艸樹依微分楚甸樓臺掩暎繞玉篴凭高目盡歸鴻外千古閒
愁對落暉

登江陰君山

遠日乘秋益自傷坐將高咏落滄浪江流中坻懸孤邑樹色遙分接
大荒羣雁北來燕月冷片帆西去楚雲長孤懷不盡鄉關泪落日長
空思渺茫

同王必漸言懷

江頭木落雁初飛客子傷心賦授衣鄉夢不緣千里隔浪遊空說半
生非雲山是處堪招隱塵海何年可息機漫向天涯愁極目幽懷已
負北山薇

宿焦山

江浦春寒落日曛石林香靄夜氤氳潮聲時送龍宮雨蘚迹長封鶴

說

塚文僧榻有緣雲共宿閒心無住鳥能羣塵根未了起生計蟬蛻羞
看此日分

早春有懷

美人迢遞隔雲端曉鏡無言對鷓鴣別後青山千里夢愁中明月幾
回看江梅冷落綠春瘦野艸淒迷帶雨寒凋悵潮聲南去急難將雙
泪寄長干

早春將往金陵留別黃淳甫史叔載

暖煙遲日汎迴塘無限春情載短航別酒難傾良友意驩歌能結故
人腸携家未得歸吳市飲水猶堪客建康他日看君芳艸色知余魂
斷杏花傍

甘作

癸亥元旦試筆

鬢華爭與歲華新四十無聞媿此身故國風煙銷舊業長安花鳥釀

芳春榆枋不礙舒微翻江水何能濟酒鱗
柏清承欲聊自適東風吹暖上青蘋

北遊舟中感懷同行諸君子

年鬢蹉跎四十餘浪遊空憶舊山居
關河有夢難通雁江漢無綸豈羨魚
卜命久知從季主遭時那敢問相如
孤舟共爾升沉異悵望秋雲意轉虛

送王陽德司馬奉使便還永嘉

曉捧天書下玉除宮花深映珮聲徐
頌恩暫借相如節覽勝兼傳謝監車
北闕寒煙憐曙色西池芳艸夢春餘
暘湖有地如容我應向松筠賦卜居

胡太史左遷聞訃南歸

都門芳艸暗春煙南望離心倍黯然
情寄蘭荃言莫盡憂關藜藿意

難捐浮湘慷慨遭讒日
陟岵淒涼讀禮年
易水波寒君獨去
高歌聲咽暮雲前

同李項二太學朱鴻臚董山人迷樓懷古得風字

荒原遙望夕陽空
秋色登臨感慨同
寂寞鶯花銷舊業
淒涼煙柳變離宮
吳臺有恨江山外
汴水無聲日夜東
凋泮乾坤經歲劫
長隄猶送錦帆風

白下送項思堯應試北上

故園離亂不堪聞
客裡傷心遠送君
江斷石城人北去
煙橫瓜步雁南分
策勛獨抱穿楊技
憂世先成諫獵文
淮水燕山如對月
相思千里隔重雲

新秋李環衛宅同諸社丈分得文字

荊門秋色淡斜曛
星聚天涯意轉勤
獨醒詎能銷濁世
薄遊聊自愛

環

孤雲尊前慷慨陳遵酒客裡淒涼宋玉文肝膽向君長劍在漫言投
筆策奇勲

贈莫中江憲長

艷_三瓊枝入夢多投簪十載閉煙蘿風塵瀕洞誰龍卧天地光華此
鳳過興裏江山皆白雪行邊琴鶴盡陽和相逢願有心隨月亦向漁
竿照海波

秋閨

芙蓉亭館暗飛霜憔悴芳華減齋粧天外音書三歲隔燈前魂夢寸
心長孤鸞有影頻窺鏡白草無言獨望鄉淚盡關山風月冷砧聲爭
遣度遼陽

出塞

玉門烽火夜傳呼匹馬長驅出漢都心寄干將光照日力窮騾驘氣

吞胡旌旂影捲秋雲暗
刁斗聲飛塞月孤
海嶽可移然諾在
勛名且莫賤屠沽

秋日同洪從周沈箕仲李維寅郊行

策馬臨高思不禁
平皋飛葉散秋陰
桑乾遠水浮寒日
大陸空煙隔暮林
江上青山猿鶴夢
天涯黃菊歲時心
相看且盡壚頭醉
莫問囊頌李子金

送顧戶部山東督儲

朔雲烟樹暗江天
衢路屏營倍黯然
海岱離心芳艸外
燕城歸思暮濤邊
軍需不匱勞蕭相
國用多贏倚計研
共對清樽歌且醉
風塵迴首易經年

答清溪社中諸君子十首

秣陵山色大江隈
別後沅光雁幾迴
淪落寸心頻倚劍
風塵長路一

登臺朱門未許清時卧金馬猶懷舊日才寄語梅花溪上月琴書今
擬共春回 右邢太史

春風藜杖出長干溪上幽盟尚未寒白髮獨留孤鶴態青山猶傍百
花看詩憐杜甫愁能細身羨榮期晚自歡世事無端真夢鹿高歌長
日好加餐 右金山人

投簪憶爾卧青山杜曲為園晝掩關水石暗分滄海勝樓臺春遶白
雲閒瑤琴聲遠堪誰寄瑤樹情深好自攀寂寞鶯花三歲隔思君添
我鬢毛斑 右姚鴻臚

秋風江上款離居腸斷飛蓬歲屢除夢隔青溪花鳥地愁生玄塞雁
鴻書嗟余谷口家難定羨爾平津業未虛惆悵關山留滯久慚教高
榻尚縣徐 右顧公子

關山遙望大江開秋日并州思轉哀烟火_日夜虛桃葉渡鶯花春老鳳

鳳臺天雄尚爾思棠樹洛下何妨寄酒杯
寂寞桐陰庭戶掩懷君我亦夢頻來

右顧大名

憶從五馬江亭去霄漢空懸六載思
衛水風烟開卧閣吳天花柳悵離居
愁牽芳杜懷沙日泪洒孤雲陟岵時
聞道鍾山稱勝地春光今喜蕙蘭滋

右姚使君

萋萋芳草暗長天夢入青溪柳巷烟
詩酒傷心孤舊社星霜回首共衰年
懷珠莫墮風塵泪彈缺誰甘世俗憐
滄海雲山春萬里愁深未了向平緣

右顧文學

燕臺留滯歲華侵目斷江天思不禁
岐路久虛知己望雲山空切感恩心
高樓暮倚悲黃鶴孤館春愁罷玉琴
最是長干携手地寒烟芳草夢中深

右顧文學

秦淮曲抱艸堂春觴咏憐君樂事新
翻笑流光虛客路遂令清夢隔

風塵如雲未老天池翼似鶴遠留地肺身薊北江東關塞阻瓊枝何
以寄情親 右姚太學

登樓風雨^暮夜蕭々久客離魂暗欲消楚樹吳雲春寂莫塞鴻江燕歲
迢遙新愁芳艸天涯路舊事梅花月下簫今日分飛悲萬里憑闌搔
首思無聊 右顧太學

送李給諫雲坡遠彰德

天門雲色暗秋陰匹馬看君淚濕襟星斗望懸嵩嶽外田園歸卧濁
漳潯餘生尚赤披鱗膽險道難摧叱馭心抱膝青山梁父異烽烟回
首倍愁深

秋懷四首

月華遙夜淡星河一別江南歲屢過病後愁窺青鏡改倦餘心戀白
雲多今生自笑支離態行跡誰憐慷慨歌秋度關山催雁急為傳鄉

夢到煙蘿

天際疎砧思不禁
離鸞聲咽媿瑤琴
家緣亂後無三徑
身恃貧餘有寸心
山靜猶堪歌白石
臺荒何必問黃金
忘言坐對松牕月
不變清光自古今

邊城羽檄夜飛頻
大漠秋陰逼虜塵
一自重關開虎豹
遂令枯骨恨麒麟
月寒灤水流成壑
艸暗梁山火是燐
白髮無家離亂後
驚心寧獨為憐人

檣櫓徒令歲月增
青山無意任高憑
懷書未必投江夏
攬劍猶能拖信陵
身寄風煙看似葉
淚懸肝膽墮為冰
新豐久客貂裘敝
愁劇逢秋倍不勝

與項思堯叙舊

驚心離緒歲如流
燕市相逢感舊遊
三月鶯花淮水暮
孤舟烟雨石

城秋風塵獻賦明珠暗世踞彈歌寶劍愁共坐寒燈肝膽在寧悲淪
落敝貂裘

送王職方之嶺南參贊

幕府征南急異才整勞持節下中臺尊前籌策風雲動海上旌旂日
月開龍劍夜光驅瘴癘蜃樓春色近蓬萊登臨為有梅花白翻入鏡

歌奏凱迴回

陳觀察歸隱林莊二首

何人隱跡住高林漢月衡雲共陸沈攬轡尚遺蘭杜色挂冠聊寄薜
蘿心山連白馬疑秦地春傍朱絃是楚音南斗光垂雲夢潤扁舟無
計一相尋

綠楚高臨楚樹幽十年江漢羨清游林花不隔桃源路曉月孤懸夢
澤秋樹拂祥烟看起鳳舟移春浪坐隨鷗湘南勝跡原無限都屬元

一作作境

卷

龍醉倚樓

送陳觀溟先生之宿遷邑博

秋色離心共黯然
哀遲慚憶受經年
傳家不負青瑣業
鼓瑟時留白雪篇
莫問鹽車流老驥
更憐春服詠羣賢
河陽况遇神明宰
桃李陰繁聽管絃

寄陳觀察沔陽

楚天遙望暮雲虛
人在陽春里卷居
抱膝應知龍卧後
緘書真得夜光餘
林間伴月蓬山鶴
檻外投竿夢澤魚
不向懸車專帝澤
黃金猶自散鄉閭

送梁內翰奉使金陵便道嶺南

龍虎雄蟠舊帝畿
星郎持節便南歸
江花杜若迎仙棹
里樹枕榔照綠衣
韋相經綸名轉藉
謝家兄弟世應稀
羅浮山下梅花月
可念清

光在紫微

李環衛宅對菊得來字

征西高宴興悠哉楚客相歡作賦才庭月靜依瑣樹轉秋枝紛傍燭
花開蓬蒿夢隔霜三徑湖海情深酒一杯落_三年光催鬢短南山那
不采英耒

九日同黎惟敬王敬美楊懋功互謙之曹子念登昆陵閣

曠曠長天思不禁絃絃園飛雪正蕭森
萸簪野客凌風帽
解仙郎賞酒金鴻鶴能高橫海色
薜蘿空繫住山心
僊欄慧日高懸地
悵望浮雲魏闕陰

送胡原荆遠晉陵

飄然歸種汝陽田漢殿空傳折檻年
莫問豺狼終道路已知鸞雀
任風烟春花入夢梁溪畔夜雪銷
魂易水前珍重青山高卧地乾坤千

古寸心懸

移居呈朱汝修王敬美丘謙之李維寅諸君

幽居新僦傍高城
隱計何妨托帝京
失路聊輕遊子意
買山真荷故人情
全生聖世堪負賤
偃迹空林簡送迎
不是南枝羈短翮
暫因滄海寄浮萍

倪明府繡佛軒

山多靈艸氣氤氳
駐得長年卧白雲
曾向折腰辭令尹
漫因捨宅似徵君
千絲巧作菩提相
五柳低垂給苑芬
我亦十年勞幻跡
中林一榻可能分

舟雨有懷王敬美符卿丘謙之太守

孤燈寒雨坐蕭蕭
朋舊分飛路各遙
鴻鵠有心隨客遠
魚龍何事向人驕
風沙蘄北金尊負
瘴癘天南彩筆銷
尺素未傳遊子意
羈魂欲

斷賦難招

夜渡澄江訪朱十六光祿不值留此為訊

思君千里閩漳洲海上孤帆夜不愁
芳樹自圍揚子宅驚濤空口剡
溪舟天清遠岫偏宜落日暮寒雲
故倚樓船泊媿非徐孺子不知高
榻為誰留

同王觀察楊參知黃總戎登焦山因觀水陣

勝地中懸佛界清江流雙夾鏡光平
簷雲盡帶吳山色岩洞猶存漢
士名鰲蹴烟濤孤壓海蜃移樓閣
故依城登臨不廢澄清業戈甲千
帆試五兵

七夕送張羽玉之蘇州別駕

前年此夕君歸楚何事前辰復向吳
共是天涯河鼓會依然江上客
星孤人高直道從三仕春興閒身寄五湖
漢主好文知賢去仙來握

手賦名都

中秋同王徐二禮部丘民部劉衛尉李太史

宣武城樓
賞月四首

徙倚高城百仞樓金莖華月帝城秋
杯中星漢光難定笛裡洞山冷
自愁清嘯能消胡馬檄佳期擬泛越人舟
如泉酒送真堪醉不待仙
郎換錦裘

憑高秋逼氣蕭蕭風露禁人酒力驕
世事升沈心自見年華圓缺鬢
俱銷魚龍影靜滄江闊鶯雀聲寒碧海遙
翻憶山中松桂色清光今
夜陽煙膏

城月低懸玉露溥碧天無際鳳樓寒
佳遊且自隨金馬幽過曾誰問
彩鸞醉裡波光搖睥睨生餘冰色照琅玕
乾坤轉爰清虛甚萬里吾
將恣羽翰

砧砧千門夜款分醉曉星斗坐氤氳
一天顯氣浮金掌滿地空烟化

此非小注須排大字

溫州府圖書館

WENZHOU LIBRARY

白雲越客鄉心鴻雁字漢廷才子鳳凰祥陽春暗莫移商律此曲人
間豈易聞

送劉以忠部遠南歸

寒雲慘澹隔燕吳岐路傷神涕欲枯銷盡黃金雞氣色得來華髮任
屠沽誰將分宅論交誼若自推車問世途未酌離觴心已醉千山風
雪馬頭孤

送吳之衛遠矣

江山隨地著丹丘轉憶擔簦足勝遊海上蒹葭垂釣日淮南桂樹桂
帆秋伯通橋畔家猶在季札祠前碣尚留好去扁舟沽酒盡春光都
在百花洲

送吳水部出守杭州

莫厭分符向海涯東南諸郡最繁華湖光映郭千峯月山色當窗萬

御

樹花自有壺水清卧閣却移春雨傍行車才名水部風流甚三十專
城好自誇

兩宿利國驛

黃河東注墊群黎荒草連天客路迷叢棘地將山鬼伴寒燈身傍野
鳥棲曾誰匡濟滴回春色轉憶流忘亡入夜啼冷雨淒風關塞阻不眠歎
枕聽鳴離雞

寄吳明卿大參

矯首關河鬱暮蒼雁鴻無字七經霜春留棠樹猶炎海星起奎躔亦
夜郎肝膽舊從傾蓋盡風雲翻向積薪長銷魂遠憶當年別洒泪燕
山伏枕傍

送史計部督餉江西

漢遶京國重邊籌留束能寬塞下愁玉節榮分題柱日銀銀河清及

岐

泛槎秋雲深
鬼谷仙人洞
月淨章江帝
子樓督部知
君無滯事試
將瑤瑟寄登
遊

費叅軍籌筆軒

陸沉聊自託
仙才高啟層
軒接鳳臺三
楚河山窻外
盡六朝烟月
坐中來能多
北海當年醉
不減平津舊
業開上策只
今樞府借風
雲長日傍尊
壘

送周公瑕還吳

不教猿雀怨
歸期忽挂孤
帆向海涯
橐裏行裝多
郢雪佩中春
色有江籬名
言盡託三宗
論能事兼傳
四絕碑握手
燕關塵滿面
莫輕芳草贈
臨岐

送汪仲淹同伯兄司馬歸省

才子江南第一流
陸雲新向洛中遊
爭誇鳳穴多聯翼
却望龍門是

並舟對酒雄吞楊子月賦濤清奪廣陵秋冠裳猶憶趨庭日星聚應
傳似穎州

渡淮陰懷陳玉叔

急雨奔濤幾夕留峭帆今喜信扁舟天邊落照懸沙樹海上寒烟入
郡樓漂母祠前茅草盡韓侯城外濁河流美人一去千峯隔招隱空
含桂樹秋

天雄郡晚香堂為王太守賦

亭臺舊是安陽宅勝事君能一古今冰雪自高三徑色風塵聊寄五
湖心城頭樹繞漳河曲檻外雲連大巖深若問甘棠他日意庭槐如
雨倍陰森

送外兄王衡叔之建昌少尹

十年離隔夢魂深此別關河自不禁書劍喜沾初任意雲山愁對未

歸心城邊古樹柴桑柳堂上清文單父琴佐理試看鴻漸翼折腰元
不為黃金

同王觀察登北固絕頂

畫裏河山雉堞開振衣迥立最高臺
意中雨帶淮山入檻外雲從夢澤來
烽火天清孤倚劍乾坤心遠一銜杯
空傳吳蜀多遺跡惆悵雄圖盡草萊

過小祇園懷王中丞尚寶伯仲

婁東新築輞川幽貝葉蓮花貯一樓
勝即蓬丘翻傍郭清疑弱水更浮舟
乾坤此地真孤嶼麟鳳他時得並遊
杖策何妨因看竹山陰乘雪興還留

唐張二別駕梁司李餞余望江樓同用樓字

朔風岐路倍堪愁况復離觴更上樓
自願操歌元下里敢勞懸榻似

岐

輞

南州天長倦鳥蕭蕭急日暮歸雲故故留一釣滄江篔簹笠在相思君
莫問羊裘

壽王樂仲丈七十

白首藏名海上居田園真樂仲長餘家傳高士遺安業篔簹授真人鍊
氣書杖外高歌皆楚雪尊前芳饌是江魚翩翩彩服春無限庭樹參
差玉應除

吳觀察枉駕卅堂

遠從郊野問芳菲忽報旌旄下石扉八里呼傳熊虎隊應門顛倒艾
荷衣漫教推轂疑猿鶴爭敢開尊薦蕨薇一自陽春偏野谷中林草
木盡含輝

夏日山居

從他白髮鏡中愁門夾松筠自一丘高卧豈能忘卓魯深畊安敢慕

巢由負將詩卷堪銷日涼得山雲不待秋愛殺五湖天地濶最無機
事是沙鷗

寄邵侍御

漢廷八使羨乘驄攬轡中原鐵豸雄節外江山開濁霧胸中冰雪釀
春風蘭臺簪筆銜天憲芸閣論文擅國工彭蠡清清波萬頃東流應
合讓仁功

答贈吳徵士願夫

倚劍長歌思不禁故山薜蘿夢中深城闔亦有栖賢室林壑翻疑避
地心老向琴書傳素業貧堪裘索弃黃金蒼松翠竹雲間路十里衡
茅也易尋

送喻邦相明府之蘭溪

城下雙流似練鋪君懸明月照水壺溪蘭蕙擷湘江佩仙鳥初棄漢

鋪
乘

驄

温州府圖書館

WENZHOU LIBRARY

殿鳧彈處琴聲皆白雪種來花樹亦玄都梅邊遠憶揚州句可寄山
中野客無

東魯倪生以詩見投賦贈

漢庭文學羨倪寬客舍相逢似舊歡歧路遺衾慚洛浦星霜彈劍照
長安青雲六翮看翔易白雪千年欲和難遠道同心須努力莫教風
雅任狂瀾

留別陳玉井大叅

故人杯酒暫為歡江上秋風笑鷗冠愁色青山帆外暝鄉心白髮鏡
中寒無論霄漢名堪附豈恠藤蘿卧未安今日詞林無左席中原才
子讓登壇

過暘湖訪項季輿時余卜鄰珠浦山中

一片澄湖樹杪寬山家春酒試春盤詞盟奕世同雞社隱計清時對

鷓冠枯柏半林天
籟合簟簾千挺
徑雲寒烟波野艇
時相過共拂珊
湖一釣竿

五言排律

青原山淨居寺

迴合青山抱縈紆碧澗圍虹橋分寶地龍象護金扉
 谷靜雲隨步林深翠濕衣空香通妙覺清籟發真機
 歲叔看荆老神通識錫飛山川雄楚甸形勝壓吳畿
 野鹿銜芝蕙山僧供蕨薇冥心皈法印淨土却塵非
 性逸閒禽集情欣異草翻岩風疎樹出松暝夕陽微
 妙曠淹歸思前峯月漸輝

哭劉子高叅戎二十韻

慟哭寒江暮傷心水自流殷憂深報國勛業滯封侯
 公論銘碑在遺思部曲留山川歸指畫夷虜悞俘囚
 轉戰風塵暗揚帆海霧收蒼生安舊業玄髮變新愁
 冰雪肝腸勁雲煙翰墨休衰瘡心最苦嘔血志難酬
 盡雪點愁憤難祛魘魅憂范綈情獨厚姜被意何優
 幽憾終誰

展沉疴竟莫瘳方期麟閣畫忽憶鶴車遊已失長城望難招大樹儔
瑤緘空在篋長劍更何技旅櫬吳函暮銘旌越樹秋悲風飄畫角殘
葉下孤舟寧落圖書共問關道跡悠殊奈妻子泪雜露僕夫謳鄉國
魂空返親知契莫修從今生死義腸斷隔重丘

附錄諸公贈詩

送康山人還永嘉

黃姬水 淳甫

江海同漂泊君今何所之
長安倦遊日落木送歸時
自信布衣貴難逢前路知
永嘉山水好因動謝公思

送康山人之和州

歡友不堪別良辰自可憐
何當送君去正值落花前
采石尋仙迹香泉禮梵筵
誰知一江水亦自隔風烟

送康山人之江

君去蘭陵日江鄉三月春
花香初撲酒海味正甘人
杜甫夔州老馬卿邛邑負
殊方同作客回首念風塵

贈康山人南歸

錢穀

燕臺漫說築黃金俠客由來負壯心
世路豈堪荷芰服歸途寧免削

後吟千山北望寒雲薄一騎南歸秋草深茂苑舊遊多念爾柴門流水好相尋

結

輓康山人裕卿

聞

王世貞 元美

法客翩跹二京雅泐然諾重席生歸來樂志粗能就老去潛夫猶未成幸自故人收僕骨誰從遺牒問詩名寡妻弱子能無恙知有當年苑巨卿謂王陽德大泰也

甘露寺訪康山人

王叔果 陽右

行役歲時暮逢君江上山偶因稀吏事時得扣禪關翫聽吟愈苦飄零鬢欲斑故鄉遺業在法策共東還

康山人自京口買舟往吳華玄谷持輓章示余愴然有作

憶昨燕京道塞風逐素車那堪揚子棹復笑故人廬天闕書誰寄梁溪澄約竟虛並歌何足聽零泪濕衣裾

同康裕卿過積善寺

策馬訪幽寺，到門繁夏陰。地偏無過騎，院靜有鳴琴。偶對高僧話，真同隱者心。惟應共裴迪，乘暇數招尋。

過康裕卿墓

王叔果 西美

彩雲嗟易散，流水惜知春。繾綣言猶在，徘徊涕不禁。昔稱湖海士，今弔薜蘿岑。挂劍情何限，悲風動翠林。

清明日過康裕卿先生舊居

康久客燕市，歸隱山中，僅二載歿。

何白

誤從塵土老，稍傍石林眠。白髮空餘日，青山不待年。草堂仍舊主，隣塚已新烟。誰復知余意，心傷魂寂然。

送康裕卿寄暘谷先生

魏允中

授簡風流滿洛陽，青春遊子倦思鄉。桃花尚記當年宅，荷葉堪為卒歲裳。九曲暮雲連鴈宕，片帆秋雨落錢塘。吳門驄馬深相憶，錦字遙

憑寄八行

康大甫過宿山房以詩見示俛仰今昔慨然放歌并簡項季興

大甫祗所公孫傳中所載自京是又

何白

昔我弱冠時謁汝大父方稱詩女髮未髻受論語空山五夜聲音伊
項生結廬近東嶺扁舟蓼花同襟期中天忽圻少微頌德帳夜長猿
鶴悲呀嗟往事已廿載源水重未人代改別院花飛燕壘空古堂草
暗燦書在迹澗落魄更伶俜喜見傳家尚文彩憶昔爾祖人中豪少
從將軍劉子高樓舡渡海將萬艘手製鯨鯨出飛濤槩糊洗血匣寶
刃從容草檄含紫毫黑雲壓波萬鬼號燈前談笑持螯螯功成長揖
不受賞千金立散輕鴻毛結末翻、遊白下恥逐狗屠居幸舍書掩
會稽內史名詞傾少室山人價紫駟更踏燕昭臺駿骨黃金安在哉
五侯七貴爭擁篲一日聲華動九垓歸來惟留書一篋死後何煩殉

玉匣眼中見汝能綴文地下有知寧悔侯項生已艾我過壯清時天
意容跡放汝來亦足張吾軍未覺山林氣凋喪汝以酒開汝顏煮
白石兮雲之間湖道宗生留祖壺相將長嘯入匡山


己酉春日酒中漫興四十四首之一

續增

何白

苦憶平生康聘君一坏湖上冷孤墳追思三十年前事悵望高天有
斷雲

!



温州图书馆

WENZHOU LIBRARY

明康處士墓誌銘

萬曆辛巳六月六日處士康君以疾卒於山中越明年正月初二日
殯于陽湖山麓康氏世為永嘉人素以資雄里中至君父中落生子
五人君其季比父卒兄弟廢箸猶逾中人產也君既棄經生業而業
詩好客任俠家遂日傾其貲復夭死遂去而遊吳轉入金陵所至士
大夫重君詩又以其人慷慨磊落義甚高無不願與遊者居久之復
北遊燕之之士大夫倒屣前席視南中有加君遂家為卧病逆旅武
昌川樓吳公以治參政入都躬至榻前為君調藥餌愈而後別去維
揚冲庵顧公夙與君莫逆僉潤臬時走書招君謝不往其取重于諸
君如此甲戌余治兵吳中君偶南下晤余蘇臺余曰故山猿雀相待
久矣余旦暮且將拂衣子寧無意于首丘乎感余言遂決遠篋丁丑
余解吳節君亦以明年歸之而吏議逐客識者高之買山珠浦清絕

君


君

幽深松竹滿徑薜荔遶門日咏歌其間舊業益進且密迺余暘湖別墅良辰適從樂甚也亡何有匡廬之行揖余曰願再別五老當不復出耳時直指梅塽邵公觀察麟洲王公館君于滕王閣豫章諸王孫人：上詩用朱郎設醴酒爭得君片紙為重竟歲而遂旣佐兵使者韞菴吳公君布衣交也干旄就廬備賓主禮約為鴈蕩遊窮搜數日盡其勝賦詩磨崖而返使君間謂曰視山人之貌非有求于不佞者而區、一念歎為山人壽何以教之君僂而謝不敏竟吳公無所干郡邑諸公知君名咸造訪山中君以無往見義不一至公門視勢若洗也君素壯無疾自豫章歸忽患瘧自投藥截之再起再截病遂內使始名醫脈之竟至不治先是余治木暘湖君已病不自謂不起也而亟稱木美余間得醫語已心許之比草握王刺史九岳手曰不及與暘谷訣矣幸藉友生之力歸骨故丘他日得題曰康處士之墓吾

可瞑目耳余奔赴不及遂昇木殮之君素嗜我賜湖因即其右壠為
營北窳樹之封丘從風志也君生平負節概重然諾常兩為劉將軍
朱司馬經紀後事扶櫬遠壠余別有傳負而好施姻戚獲濟者甚眾
兄弟之子不能治生則為衣食之其詩大都宗杜陵雖率尔酬應而
氣韻風格類非湖海士可比有二鴈山人集行于世父滄母趙氏配
王氏生子一人懋晉以丁丑年先君卒遺孫一人自京甫九歲繼配
張氏繼子一人懋升君諱從理字裕卿別號曉山山人邈其生為甲
申年三月十五日享年五十有八交知遍海內賢豪長者類皆名家
預生同里聞死有遺文青山白雲是為康慶士之墳

萬曆壬午正月二日

賜進士第大中大夫福建布政使司右參政友人王叔果拜撰




温州市图书馆

WENZHOU LIBRARY

文人詩歌一生心血也既傳布之復淹沒之抱鬱泉臺矣家二雁公
余叔祖也恨生也晚得遺編讀其詩想見其人措紳先生諸序傳猶
約略其生平云尔惜其嫡系衰微僅遺一田間子詩稿原梓久為祝
融拾去刻存甌中鮮有存者往歲薊北好事家徵求刻稿卒無以應
款重付梨棗余力不逮爰命薰兒楷書全稿以俟將來能承余志起
二雁公子百載後則海內之士必爭傳之無疑也 旨乙卯長夏日

解庵世綬敬跋



温州市图书馆

WENZHOU LIBRARY

康裕御詩尤長五言律 閩北
副布衣之雄為人爽朗俠烈片言力字可
生兩瑯琊詩酷垂之今尤不易以也 胡
詩英

裕御任俠談兵間閱戎幕劉將甫子高
連毒務毘陵病革裕御馳赴與設經紀其
喪扶其柩至毘陵遠近皆義之居無儲
黎惟敬革游西山其倡和詩僅存餘多
撤供太倉曹子念收而刻之 明詩綜四十九
康以人送理字裕御遊遊兩都聲名籍
甚而第二集上獵三唐末窺六代何
謝初鄭工室與恩甚淺其人多任俠真

鐘名動公卿而家徒四壁以之重也

僅區而府志三十引既中紀逸

康道理二鶴以人集字裕卿永嘉人傳

俠能詩與曹子念為死友子念刻其遺

詩千次書書目二十四

崇曉山康處士後理雖二嶺江通志孔隆

溫州府志載隆永嘉縣志文苑傳註有

傳曹子念名昌先一字以新太倉人五世

貞楊著有投竿閣集十卷見明詩綜

六十三及子次書書目二十四其以利裕

卿詩今未見傳本 弘治謀道州經籍志二

十六

已上五刻 藝刻 東集 卷五 采人 附

錄作設續按直記



温州市图书馆

WENZHOU LIBRARY

温州市图书馆


WENZHOU LIBRARY





温州市图书馆

WENZHOU LIBRARY




温州市图书馆

WENZHOU LIBRARY



温州市图书馆


WENZHOU LIBRARY



温州市图书馆

WENZHOU LIBRARY

温州市图书馆
WENZHOU LIBRARY



温州市图书馆

WENZHOU LIBRARY

温州市图书馆

WENZHOU LIBRARY

温州图书馆
WENZHOULIBRARY